

卷之四





神農圖象





人海記

海寧查慎行悔餘纂

簡註

海寧

人海記

蘓子瞻詩云惟有王城最堪隱萬人如海一身藏與  
東方曼倩陸沉金馬之意寄託畧同余自甲子夏北  
游太學又九年舉京兆秋試又十年唱第南宮其後  
供奉 內廷者七年從事書局者三年迨癸巳夏移  
疾乞歸年已六十有四矣通計三十年来客居京師  
歲月過半其間耳目聞見随手綴錄零丁件系不下  
數百條雪牕檢點裒集成卷命曰人海記

本朝初年滿洲官員支俸不支薪漢官則俸薪並支順



治甲午停秋冬二季俸有以停俸不停薪請支折薪銀者以薪侈於俸也如四品官季給薪三十金俸統二十金耳內院不許謂滿洲方在此論薪俸何得濫也明年漢官但給俸不給薪矣朱右君司空云故事舉行計典後臺省例有拾遺順治丙戌部院大計群吏止據撫按所報揭以黜陟臺省欲循故事內大臣不欲也陳溧陽力主之臺省拾遺奏上多被反生已丑大計鑒前事雖有糾拾亦僅耳其後遂停吾邑楊少司雍正為馬副憲時復請舉行拾遺格於部議不果督撫之權漸重矣

內閣判日俱用墨筆以票旨硃筆避尊也此制起於明朝但外而九列至斗食之吏皆硃批獨不嫌僭上何也八旗官兵內城分駐之地 國初各有地界正黃旗則正陽門鑲黃旗則東直西直二門正藍旗則宣武門鑲藍旗則崇文門正紅旗則德勝門鑲紅旗則阜城門正白旗則朝陽門即齊襄化門白旗則安定門

漢大官園種冬生韭葱菜茹晝夜燃蘊火待溫氣乃生事見漢書呂信臣傳今都下早蔬即其法蓋前明朝內豎不惜厚值以供御庖嘗聞除夕有賣王瓜二枚者內官過問其

百金許以五十金市者大笑故噉其一內

大一作太 韭葱一作葱 韭 駒菜及古閣刊本 作火 韭葱菜茹 作葱 韭菜茹



官亟止之所餘一放竟售五十金而去

吾鄉呼林檎為花紅北人呼為沙菓又柰似林檎而小  
北人曰虎喇檳

北方無笋惟冬笋用茅竹筒封貯從江南馬上販鮮十  
餘日到京每斤價直四五百錢春夏之交食薑蘿蒲笋  
總名為笋詩云維笋及蒲則蒲與笋故當有別

佐領即牛录也秩如明朝千戶專管戶籍秩雖卑凡位  
居公侯伯者並俯聽其派撥亦猶縣令之轄鄉紳

滿洲八旗騎兵月餉七兩五錢步兵三兩四錢綠旗騎  
兵月二兩步兵一兩五錢城守兵月一兩水師同逢月

小盡扣銀五分謂之朋椿官馬斃則以此項買補凡騎  
兵止給官馬鞍轡自備

滿洲子弟入學倡於順治辛卯壬辰時范文程當國初  
試百四十人八庠歲考止三等上者賚絹二疋其赴科  
舉初場止二義廣寧楊方興山陰沈文奎並解元麻勒  
吉為狀元另為一榜戊戌以後乃列名漢人榜間亦有  
成七義者矣

初徙八旗圈順天永平保定河間之田凡畝畝善宅俱  
歸旗下謂之莊子順治癸巳以水災四府莊子俱荒欲  
改圈真定順德廣平大名地戶部持之不行



人海言  
漂陽相國以甲午三月賜死時年五十宣武門內靈官  
殿乃杜郵之地也

陝西織造絨褐本  
此項錢糧充餉

初年設有專員順治辛卯始省以

世祖章皇帝于甲申十月朔入燕甫七歲是一日御殿  
自後元旦萬壽節俱免朝賀至庚寅正月朔始御殿受  
賀

順天鄉試初用考試官四員用滿洲二人主八旗蒙古  
應試者後止二員並用漢人

滿洲編檢視漢官俱晉一品而於滿人為卑以滿官止

七品也

吏兵二部每月選期舊於天安門外兩廊設矮几鋪紅  
毡席地而坐尚書二人正西吏部西向兵部東向侍郎  
傍列其餘官筆帖式以次排比選人于前唱名掣籤今  
兩廊列牆屋各官俱露生

順治甲午正月始頒文武諸臣制誥封贈八旗勳衛數  
萬人其祖父之名類皆闕失意不欲制詞漢官力爭之  
於是內院擇坊局史官十六人分撰自一二品始一品  
限十二句二品十句三品八句句各四字不用故實

順治癸巳三月廿五日改鑄朝鮮國王印兼滿漢文以



從前止漢策也

出繼之子離任為本生父母治喪自北平朱右君諱之弼先生始先生時官戶部侍郎其後大臣遂援為例西洋人生日不論本誕如立春日生其日無定期或十二月或正月遇此節即是也  
回：人雖在中國不奉正朔自有回：歷不限十二月為一年別有歲朝每年不同乙丑八月初三日為群聚慶會之期余在都下親見之

皇城西苑萬歲山上以僧言建白塔三層形如瓶按元世祖至元二十八年五月丁巳從楊璉真伽之請于臨

安建白塔二各高一丈二尺以居咒師系四的性吉等七人其事本此

每歲元旦昧爽未謁太廟先上堂祭乃鄧將軍也在朝門之巽隅庭列劍戟自車駕外侍從皆匍匐而入非親昵者不得隨行按鄧諱子龍南昌人萬歷中副提兵四川開科始順治辛卯解額七十二人喪亂之後舉子止二百餘人主同駐保寧寓試道士院時有亭溪之警急於竣事二三場併日

開河舟阻官舫千紵河處求給讓行牌以先商賈今无此例矣



永城人宋獻策明末賣卜燕市遇李自成拜國師導之入都自成敗後滿洲重其術隸旗下其人至康熙初年乃歿

南京後湖貯各省戶口田糧冊有明終始計一百七十萬本南渡後用以造甲點大樂至本朝僅存萬歷間及崇禎五年者朝議謂每本四五斤鬻之可得四五萬貢士閱落卷自順治乙未始禮科議南卷十中其一而江西僅七人物議籍於是大抵裁金之後等奏落卷貯於順天府許貢士赴閱限六日內不得領回前此未之聞也

曠一作曠

曠一作曠

翰林外轉順治乙未九月始行之編檢則范周沈荃盧高湯斌耿介崔之瑛馬燁曾等少詹以下開坊以上則黃志遠楊思聖王舜年藍潤王无咎陳曠曠共十八人皆以品行清端才猷贍裕各照外轉應得職銜陞一級遇闕即補康熙戊辰編檢汪楫丁廷捷李濤三人以知府用辛未冬少詹徐潮轉通政司侍讀胡會思轉光祿少卿侍講熊錫瓚轉大理寺丞高裔勵杜訥俱轉通政叅議官坊李應薦轉太常少卿周清源轉叅議司業吳涵轉叅議

世祖常言明朝之亡由周延儒馮詒孫少子娶宜興從女



初頗為解上不以為然又問周延儒有子官翰林今安  
在銓詭對曰庶吉士周奕封非延儒子也時奕封請假  
在籍乙未秋還朝俄除知縣乃涿州希肯外之也

各鎮總兵官銜帶都督同知或僉事在明朝有五軍都  
督府故也今都督府已裁而總兵仍兼此銜甚屬無謂

正陽門外窮市有古鐵長三尺許衡二寸形若草帶中  
空外鏽而背隱起釘如鼓不甚可辨一日高麗使見之

售以五十金云此定水帶也禹治九州作九帶此其一  
也若航海之水醜不可飲以帶投之立甘冽故貴耳市

中好事者隨至會同館汲若水石餘投盃數酌採之使  
濁乃投帶於中沸涌作魚眼數十少頃味極甘冽

明季事

太學石鼓文舊有六百五十七字元至元中存者三百  
八十六字今所存字但三百二十五而已

西山碧雲寺俗名于公寺後為正德大瑞于經墓土  
木華麗凡賜祠五多祔家中央豐碑二道正面無文其

碑陰詳刻魏忠賢爵里姓名意殊駁詢之守者云忠賢  
名下蘓應宣或云葛九思曾被掠於建州從本朝入燕葬其

衣冠於此余憤甚直前漫之時與朱大司空同游公不  
以我為狂也。按碧雲寺忠賢重脩天啓三年少師葉

向高撰記禮部尚書會稽錢象坤篆額今碑磨去錢象

八每已

案此條詳見浦揖轉



人海言  
坤姓名意作相時事也福清記中亦頗稱許魏氏  
香山永安寺來青軒額明神宗手書軒之前有山穴起  
金章宗祭星臺也下有護駕道松覆之稱護駕松今尚  
存其一

如光寺在香山絕頂永樂間太監鄭和建和朝鮮人四  
使本國中有佛閣形圓而八觚云東國之制

去香山二里許為鮑公寺亦內官墓中有白松八株圍  
皆三抱掩映殿宇人行其下衣上不見日色

盧師山清涼寺中秘魔崖古栢一株長可尺許橫出石  
縫不凋不榮云盧師手植也石經山亦有古栢一株萬

歷初上過之御書靈根古栢四字

大功德寺舊名護聖寺直金山口與景陵相近宣德朝  
雪峯大覺禪師駐錫於此宣帝御賜詩當年天下選高  
僧獨取尊師第一名即指雪峰也園陵自景皇帝外又

有懷獻悼恭哀仲莊敬憲懷獻悼懷故太子七衛許圻

申蔚岳景穎戚薊均靖郊簡悼懷故王十六殤主二十  
六仁宗妃三宣宗妃一英宗妃憲宗妃十二按史皆葬  
金山皆景陵相屬凡五十三園今不可別識矣

吾邑談孺木先生留心明朝典故不以詩名然其北游  
集中如過文信公祠七律一聯若云丞相宜全節敢謂



書生合出山過陳溧陽里第云往事恩仇虛偃月新編  
賢否總銷魂陳餘刎頸交何在范蠡扁舟事可行過惠  
安伯張氏墓云翁仲似人能化石杜鵑木鳥不離枝贈  
王元照太守云縱寫青山非舊色日翠微雲亂夕陽中  
過奔村先生值金壇王友三感舊云衣冠王謝多何益  
門戶晉原大可憂南宋朝廷終覺小中原經濟亦難尊  
贈道末太常云休屠祭後全非像博望歸時不待槎除  
夕云春兼晴月人歸少寒倍燕京客受多如此之類皆  
名句也

吏部楹帖明萬歷初冢宰錢塘張翰立功名身外事大

就何妨小就何妨富貴眼前花早開也得晚開也得  
西洋畫以胡荻油漬絹抹藍或綠或黑後加采焉不用  
白地

海運道里詳梁太宰夢龍集中自淮安府至安東縣九  
十里安東至馬洛關五十里馬洛至蘆浦四十里蘆浦  
至楊寨四十里楊寨至白沙關二十里白沙至雲梯關  
二十里雲梯至淮河套六十里淮河套至大海東洲山  
一百二十里東洲山至高公島三十里高公山島至燕  
鷹游山三十里鷹游山至盧溝所十五里盧溝所至青  
口六十里青口至興莊五十里興莊至東流所百里東



流所至濤落場三十里濤落<sup>場</sup>至信陽場百二十里信陽  
 至齊堂島四十里齊堂至靈山島九十里靈山至竹槎  
 島五十里竹槎至浮島四十里浮島至灣島六十里灣  
 島至鰲山管島三十里管島至田橫島七十里田橫島  
 至欽島十里欽島至青島百二十里青島至海洋所灰  
 島七里灰島至炕兒島十八里炕兒至元城島百二十  
 里元城至雙駝埠二十里雙駝至寧津所八十里寧津  
 至成山衛五十里成山至青鷄島六十里青鷄至羅山  
 所五十里羅山至威海衛四十里威海衛至劉公島五  
 里劉公島至海寧洲七十里寧海至空<sub>、</sub>島五十里空

空島至竒山所三十里竒山至福山縣三十里福山至  
 登州新海口八十里新海口至沙門島六十里沙門至  
 素島五十里素島至萊州岫北島四十里岫北島至三  
 山島八十里三山島至芙蓉島五十里芙蓉島至海倉  
 百里海倉至魚兒舖十里魚兒舖至白浪河五十里白  
 浪<sup>河</sup>至八溝河五十里八溝河至小清河二十里小清河  
 至清河五十里清河至絲網口十里絲網口至江寧河  
 十里江寧至大口子四十里大口子至大清河十里大  
 清河至唐頭寨十里唐頭寨至小沙河五里小沙河至  
 渾水汪十五里渾水汪至降河三十里降河至久山河



一無百二字然所  
記核之只三千三百  
四十五里

十里文山河至大沙河二十里大沙河至泊油河十五  
里泊油至套河十五里套河至沙頭河十里沙頭至大  
溝河三十里大溝河至桑甸河三十里桑甸至徐家溝  
十里徐家溝至乞溝河七十里乞溝至大沽河二十里  
大沽至天津衛百五十里天津至張家灣一百八十里  
十里小注六字通計淮安至張家灣海道水程共三千三百九十里  
四十五隆慶辛未海運初催海鵬船五隻分載米二千石每駕  
船十二人自淮安至天津試運无碍海道灣泊舟行停  
泊宜在舊設墩上晝設旂幟夜懸燈籠以便趨集嘗考  
平江伯陳瑄督海運於靈山建烽火臺高三十餘丈今

宜師此意多為標識云林雜組

大明官制一書不載翰林院庶吉士蓋官制定於洪武  
年間而庶吉士則始於永樂二年甲申也似宜補入按  
永樂二年三月己酉選庶吉士楊相等五十人並習文  
湯流王英等十人並習書四月申甲進士沈升等俱改  
庶吉士脩書五月辛丑諸司辦事進士能書者曾慎等  
二十九人為庶吉士士一科凡四選

崇文門外二里大通橋東園舊泰鹿處地平如掌漫衍  
可數里名鹿園

寶坻銀魚似吳中鱠殘而大倍之出海中船山下霜降



後汴流而上育子諸淀中夏霧映日波浪皆成銀色土人候其至網之瓦窰頭出者尤佳明朝命內監提督冬月抱子以冰進縣設六廠漁戶一百七十人歲進凡七次

蘆溝橋石獅兩行共三百六十八

草

石經山在房山縣西南四十里生懋題他處所無

一本云懋古莎字懋題縣名見前漢地理志

長平公主崇禎周后所出甲申年一作甲申春年十五春秋十五議降周太

僕某子世顯將築館遭國變帝以御劍斫右臂斷腕賊

以貴主已殞授尸國戚五日復甦順治二年公主上書

願皈依空門上不許詔求元配周世顯應詔起即故武

案此條又見查浦輯聞

清侯之第賜金錢牛車庄一區田若干頃俾成禮時乙

酉六月上浣也明年丙戌八月十八日薨年十七詳華

亭人張晨晨記事及吳梅村集中孫侍郎春明夢錄餘則謂

公主甲申年十五傷右臂肩際明年乙酉九月成婚丁

亥年卒年月互異不知孰是

華亭王圻續文獻通考藝文類中載琵琶記樂府水滸

傳及又明朝宗室鄭越襄荆淮滕梁衛八王並仁宗子

而云仁成祖子其誤尤甚

京城各巷曰某衎衎其義無所出謝肇淛五雜俎曰閩

中方言家中小巷謂之弄南史東昏侯遇弒於西弄即



巷也元朝經世大典謂之火街後因訛為衚衕

惠世揚米脂人萬歷甲辰進士歷刑部侍郎李自成故

牧卒也嘗給事世揚之家及僭號語人曰得惠先生來

則幸甚因致書世揚即至拜右平章事時左平章則牛

金星也自成敗從本朝兵入燕三年不見用後放歸總

德副兵王永強作亂劫去揚從軍敗於朱原鎮永強自

縊世揚不知所終林雜組

北京戶部節慎庫金銀元寶各一蓋鎮庫之物以梯登

其上其邊尚高於人上刻永樂九年

左羅石懋第北使被幽弘光敗報至攝政王使人宴左

侍郎飲酣語曰此太平宴也左問所自曰江南破矣左

悲不勝扑席於地作絕命詩閏六月十八日遇害都人

吳某叔殯同時被難者五人其一則兵部司務加職方

主事崑山陳用極也林雜組

姚廣考孝謚恭襄初從祀太廟嘉靖中移太隆善寺故

元崇國寺也今斥為篤廐

崇文門內舊有于忠肅公祠萬歷乙未二月己未勅建

額曰忠節 本朝順治中公之像傍被毀吾邑人談孺

本作吊于太傅祠文以憫之今相傳為京師城隍神

南京靈谷寺琵琶街側有池曰八功德水今涸按八功



德水見佛書在天竺國一清二冷三香四柔五甘六淨  
七不噎八除病

各省俱有湯泉北直十三江南十三山西十一山東十  
七河南十陝西十四江南西十七湖廣十六四川八福  
建六十一廣東十五廣西三雲南十八浙江三貴州二  
大抵其下有白礬丹砂硫黃三物乃蒸為煖流後周王  
褒溫泉銘云白礬上徹丹砂下流明廣陵桑喬云雷火  
所灼其氣亦硫蓋極陽之氣也

明朝諸陵孝陵在太應天府朝陽門外鍾山懿文太子祔  
葬於側曰東陵長陵在祖昌平州城北天壽山自紅門進

御道凡二十餘里舊名東祚子山永樂七年卜建改名

天壽後視高山數十重來龍跌斷明堂平濶祔葬十六

妃獻陵在洪長陵右祔葬四妃景陵在宣長陵左祔葬七妃

裕陵在正昌平二十五里獻陵之西祔葬十八妃茂陵在成去

昌平二十七里裕陵西北祔葬十四妃泰陵在宏在茂陵西

無附康陵在正昌平三十五里泰陵之西九龍池環其前

永陵在嘉昌平十八里長陵之東南兵部侍郎餘姚駱用

卿所擇祔葬妃三十嬪二十六昭陵在隆定陵在萬在大峪嶺徐

尚書學謨所擇時通政司叅議梁子琦等難之為輔臣

申時行王錫爵所亦崇禎初尚書姚思仁督理多朽石



吾邑陳與郊以給事中巡工言壽宮五室中三間待馭  
四隅維以鐵索各大銅缸注油左右室通門待中宮及  
嗣王帝所生母升祔神廟閱壽宮自坐石室飲酒慶陵  
德陵石橋高不五尺長不五丈砌石無多而耗二十萬  
金且陵地窄甚僅當兩山之腋在永陵左砂相距不百  
步也思陵在紅門西三里與諸陵隔河諸陵在河北思  
陵獨在河南即故皇貴妃田氏園諸陵明樓俱有碑題  
某宗皇帝之陵稜恩門內有碑俱無字開以木柵本朝  
入關惟定陵獨被燬餘仍今太監守護康熙二十年添設  
守備一員

皇城北苑中有廣寒殿相傳遼后梳粧樓成祖定鼎北  
京勿毀以垂鑒戒萬歷七年五月四日樓上金錢百二  
十文云至元通寶則樓初於元初非遼時物矣張江陵雜著  
涿州素乾河中有塔名鎮河嘉靖元年塔崩內有古錢  
皆飛空如蝶自後河水不時泛溢涿州志  
都御史葉盛巡撫宣大於沿邊孔道俱設煖舖即唐人  
邊舖也

蘓州水廠明季已有之凡十六所本朝兵始至問廠  
何為曰藏冰者謂伏兵也焚其五始悟

一品榮歸日雙親未老時嚴文靖公堂聯無毀無譽三代直道



而行知止知足四時成功者退申父財不求羸敢為子  
孫益過位嘗踰分當思齒角難兼陸五觀此足見盛世  
縉紳氣象

沙河縣宋文貞公璟碑斷沒土中正德丁丑縣令方思  
道治鉄二百觔貫而續之今尚存不甚剝蝕德清談未

菴宰此邑曾以榻本見貽

保定有定霸城宋楊延郎所築金時以其磚他用其基尚

存嘉靖霖雨潰城西北隅得人骨數十具植立土中髑  
髏各戴兜鍪旁倚兵仗石刻云活築惰工百戶徐瑾一  
行兵役見者悚然長安客語語

郎一作朗

成化初韓襄毅雍南征平大藤峽賊斬大藤中空鞞草  
為鼓置叅府前聲震數里兵使其移於行臺扣之無聲  
移歸故處聲復鳴

京師皇城內西苑古檜一松四並金時植嘉靖中封松  
為指揮使其俸米專飯孤貧

國子監文廟古栢並元許文正公手植

京師外城天壇均榆錢凡榆春錢獨天壇之榆以秋  
報國寺舊有矮松二株其右尤奇幹長不過數尺而枝  
橫數丈文人往之觴咏其旁自內城、隍廟移於此每  
月三度為棉馬之具數年來無復存矣

一本廟下有市

字



人治言  
槐樹斜街即土地廟斜街舊時古槐夾路今每月逢三日為市集槐亦僅有存者

中上二有樹  
字  
昌平州天壽山古栢槐相傳竇禹鈞家物中栢可布三五席稱竇家槐按禹鈞周之諫議大夫也故居在薊州城東今其地尚有竇氏莊

涿州西南十五里樓桑村昭烈故居按本紀道右有大桑高十丈如羽葆乙丑二月同楊崇本游此覓土人為向道至則頽垣破廟問所謂樓桑無能指其處者廟創于唐乾寧五年先主像與關張並列

種畦植一作播種  
畦  
三峽產雲南稗一名鷹爪稗種畦值與五穀爭價他處

所無也

遼陽東二百餘里山深林密不見日色下產人參其苗

高出百草之上採者以夏五月披榛而入或迷徑為虎

狼所噉或人相遇弱者必強者攫所有而出以地近皇

陵恐傷龍脉過者挖參之禁甚嚴罪至誅死而趨利之

徒輕生不顧也

大內多異物歲一閱視之出廷有瓜子長五六寸濶如之不知何地所產袁貴妃父祐說見楊士聰玉堂書記早金蓮花五臺山出瓣如池蓮較小色如真金曝乾可致遠初友人自山西歸有分餉者以點茶一甌置一朵

誅一作殊



花沸湯中鮮新可愛後扈從出古北口外塞山多有之  
開花在五六月間一入秋莖株俱萎矣

各省歲貢芽茶共四千二十二斤內江南宜興縣百斤

六安州三百斤廣德州七十五斤建平縣二十五斤浙

江長興縣三十五斤即芥茶乘縣十八斤會稽三十斤

一本龍游下八字永嘉十斤樂清十斤臨安二十斤富陽二十斤龍游等

在金華世三斤下縣共二十斤慈溪二百六十斤宋置茶局進麗水二十

金華十二斤一作斤金華十二斤臨海等縣共十五斤建德五斤淳安五

二十二斤斤遂安壽昌二縣共六斤桐廬二斤分水一斤江西南

昌府七十五斤南康府二十五斤贛州府十一斤袁州

府十八斤臨江府四十七斤九江府百二十斤瑞州府

三十斤建昌府二十三斤撫州府二十四斤吉安府十

八斤廣信安府二十二斤饒州府二十七斤南安府南康

縣十斤湖廣武昌府六十斤岳州府湘陰縣六十斤寶

慶府邵陽縣二十斤武岡州二十四斤新化縣十八斤

長沙府安化縣二十二斤寧鄉縣二十斤益陽縣二十

斤福建寧府建安縣一千三百六十斤內探春二十

一斤先春六百四十三斤次春二百六十三斤紫笋二

百二十七斤薦新二百一斤崇安縣九百四十一斤內

探春三十三斤先春三百八十斤次春一百五十斤薦



新四百二十八斤。南宋時蕪州茶額六千五百斤元  
無額明納錢三百十九萬三千有奇。成化三年南戶  
部奏准供用庫歲用<sup>用</sup>芽茶坐沁池州府三千斤徽州府  
三字一本供作三千斤茶葉徽州府三千斤蕪州府三千斤滁州府三  
百斤徐州二百斤和州三百斤廣德州三百斤。川  
茶園十株取一徵茶二兩茶四十斤易蕃馬一匹李文  
忠以茶五十餘萬斤易馬一萬三千五十八匹今茶課  
本色十五萬疋八千八百五十九斤係石泉建始長寧  
等縣本建昌天全烏蒙鎮雄永寧九姓土司辦納。陝  
西茶課今五萬一千三百八十四斤係興安紫陽石泉

監二作監

漢陰西鄉歲辦。宋元時貢芽茶以建安為上明朝不  
貢閩茶即貢亦脩宮中浣濯甌盞之用貢使率費銀抵  
亦買納間有採辦亦取諸延平非武夷也延平人呼製  
茶者曰碧監

龍生九子蒲牢好鳴四牛好音螭吻好吞朝風好險  
眊眊好殺夔夔好文陛犴犴好訟狻猊好坐霸下好負  
又博物志憲章好四饕餮好水蟋蜺好腥蠶蛉好風  
兩螭虎好文采金猊好烟椒圖好閉口蚘蚘好立陰  
鰲魚好火金吾不睡皆龍種也

平湖徐在中以工部郎分司張秋張舟真人舟過其待

蜺一作蜺



見膚貌清麗徐見而謔之真人曰先生宜自重此某地  
龍也徐不信命進盤水侍兒躍八雷雨應時而作  
萬歷己卯行人謝杰使琉球航海颶風作大雷雨有龍  
二掛於檣上一長年曰此來朝壘書耳急扶杰起書免  
朝二字示之即退

龍涎香出蘇門答刺國其國西有龍涎嶼峙南巫里洋  
洋中群龍戲其上遺涎馬國人駕獨木母伺採之每一  
斤其國中值金錢一百九十二枚往中國銅錢九千文

嘉靖三十四年下戶部取龍涎香百斤偏市不得廣東  
藩司購每斤懸價千二百斤<sup>金</sup>僅得十一兩進內驗不同

仍亟取真者廣州獄囚馬那別的貯有一兩三錢上之

總一作繼

黑褐色密地都密地山夷人總上六兩白褐色細問狀  
云黑者採在水白者採在山皆直不廣尋有密地山高  
再上通前共十七兩二錢五分次年進內辨驗是真自  
後歲船稍：挾來定價每兩售百金其為用八香合和  
能欽腦射清氣數十年香味仍在焚之翠烟裊空不散  
涎沫有三品一曰泛水二曰滲沙三曰魚食泛水輕泛  
水面泗人伺龍出隨取之可入香用滲沙則凝積多年  
滲沙中魚食則化真散於沙上皆不中用而魚食又有  
二種海旁有花若未芙蓉者春夏間盛開海中花隨大



取一作収

魚食之或先食龍涎則腹中脹滿昂頭向石上吐沫乾  
取可用惟糞者不佳  
弘光元年左副都御史遑鏞奏禁織蟒云爾雅蟒者大  
蛇也蟒無角無足龍則具角足今織蟒俱龍非禮請禁  
之

脆蛇出崑崙山聞人聲即寸斷人伺其斷鉗取之須寸  
各異處待風乾入藥若少項無人聲寸三仍續成蛇主

治色癆及驚疑喪胆諸証本草方書不載見玉鏡新談  
癆下一有病症  
二字

八梢魚灰褐色無鱗腹圓口生腹下後拖八尾產遼東  
海申永天平盧太守騰龍以饒明相國庖人來詢魚治

之法余亦不知也以意答之用滾水燻去其皮其尾如  
猪小腸而色較白寸斷之用葱韭雜炒之及登盤腥氣  
觸不堪下著初一統志載入遼東物產太守以充土貢  
何所取也

通州人葛原六以布衣獻鱮魚百尾時用法嚴或阻之  
原六笑曰爾不上食父母耶君猶親也庸何傷及至上  
台問之曰魚美何如對曰臣未進不敢嘗也上大悅命  
賜酒食仍還其一曰勞汝其後歲進至九千九尾著為  
令東林雜俎

永樂時山東進野蚕絲製衾薦太廟群臣稱賀今齊東



山谷處有之與家蠶等蚕月種出蛾散置樹上聽其  
眠食食槲葉者名槲紬食椿葉者名椿紬食椒葉者名椒紬  
野人飼蠶架廬林下手長竿逐樹按行為禦鳥鼠其穰  
者春夏秋歲三收馬有一種蚕之小者作蠶堅如石大  
才如指頂在深谷叢林間不關人力樵牧遇之收得小  
繭

弋陽汪少宰偉嘗中官席飯僅半甌者滑而膏異於常  
產問所出則蜀中歲進其米生於鷓鴣每尾止取二粒  
放去明年仍可取也

西苑獅日食一羊西域胡人主之白布纏首金帶衣綠

支正三品料

明孝陵享殿太祖高皇后南向左淑妃李氏生懿文太  
子秦愍王晉恭王次皇妃某氏生楚王魯王代王郢王  
齊王谷王唐王伊王潭王又次貴妃某氏生湘王肅王  
韓王潘王又次貴妃人某氏生遼王又次美人某氏生  
寧王安王俱東列碩妃生成祖獨西列見南京太常志  
孝慈皇后顯然無子而弇州別集同姓諸王表自懿文  
成祖外秦愍王樊晉恭王禍周定王棣俱母高皇后吾  
學編亦然與志不合不可解也

鄭貴妃父承憲貧甚以女許孝廉某為妾臨別悲慟孝

棣一作楠



廉國之遣還不責聘鄭感其意脫隻履與孝廉矢報已  
而入宮大得幸念前事而忘孝廉名命小璫售履于市  
索直若干無應者時孝廉計偕聞而往合其履妾妃泣  
告于上曰非若人妾不及執巾櫛矣亡何孝廉謁選得  
善地歷官鹽運使貴妃後生福王常洵有如意之愛上  
書其名于金盒屬妃藏之約他日以為東宮辛丑十月  
皇長子受策貴妃持盒泣訴之上啓書字俱蝕嘆曰此  
天也妃卒後謚恭恪惠榮和靖皇貴妃  
孝節貞肅淵恭莊毅烈皇后周氏父奎蘇州人微時寓  
京師寄食為人莞庫元配生子鑑繼丁氏生子某及

后信王選妃后與焉信郎入正大位后生東宮及定王

貴妃田氏生永王悼靈王貴妃寵日甚盛意奪嫡一日

永和宮婢貴妃居于永和宮于金狻猊下悞觸定王中宮銜之上

每召貴妃例御鳳輿小璫舁之是日舁以宮婢上問

故曰小璫多恣肆無狀叩其實曰聞坤寧宮小璫狎宮

婢故遠之耳上色動即搜其處大得狎具蓋宮人各侶

其璫所謂對兒也一名登食上驟怒立遣諸小璫中宮

因懟恨成疾嘔血有老宮中人曰田氏宮中獨無對兒

乎亦可搜也已而果然上疑始釋都督田弘遇聞之大

恐嗾貴妃上章引咎上意解令省愆例閉中門從旁門



詳一作祥

出且以章示中宮明無嫌也。上其章出御史湖南劉興  
詳手蓋弼遇所囑云貴妃薨明年春弼遇復進少女年  
十三見寵欲即進封司禮太監某言某貴妃以選入非  
外進也乃止賜珠簾等物嗣後貴妃走天津珠簾仍在  
後為朝士某妾。按田貴妃名秀英其妹名淑英  
徐中山第三女名妙錦文皇欲娶為繼后女不可因不  
嫁而為尼嘗論革除事建父君當坐殿上燕王至苟不  
讓則死何必自焚竄每語遜國事未嘗不痛哭也

崇禎十六年五月大學士周延儒放歸復見徵知不利  
求解於中宮賂嘉定伯周奎十萬金達之中宮請授指

東宮東宮每晨謁及是啓曰近來久不見周先生何也  
上曰爾何自知周先生答曰父皇嘗稱周先生故知之  
上曰此非好人今不得稱先生上心知其奸尋賜死其  
日黎明并同錦衣法曹至私邸排闥而入家童各驚匿周求  
青衣未得緹校脫而衣之拜奉命飲泣求筆墨占句倉皇  
不屬使者促之投筆就縊

萬歷十二年故太師張居正子禮部主事敬修自縊遺  
詞其畧云五月初三日邱侍郎至府初四日即差官提  
敬修面審大意坐先公以二百萬家貲又要扳承天夷  
陵本縣三家坐曾雄確菴家寄銀十五萬坐王少方家



寄艱銀十萬兩坐傳大川家寄銀五萬兩只得從當事  
之意料三家斷不能完結此事吾日後何面目見之又  
以母子叔姪恐團聚一處有串通之弊于五月一日出  
牌迫令隔別不得接語幽因倉皇風雨蕭蕭：青草鳴蛙  
無不助予之悲悼遭時如此已無生路不得已托言片  
楮以代剖心此書送各司道一日五月十日寫完以期  
必遂而夢兆稍吉不果至十三日各欽差上司會審叔  
侄俱嚴刑拷訊父母遺體平生眼不見刑具脆薄之軀  
豈能勝之此數之莫可逃也任巡按活閻羅你也有父  
母妻子之念何忍殺人媚人如此之酷烈也有便乞傳

山西蒲州張相公說張門事已完結矣無煩掛念願你  
輔佐聖明天子於億萬年也云：按邱侍郎名檉檉齊  
人懸贖酷拷貽楚患數年卒無子任巡按名湏更考

康熙乙丑年元旦立春有大老署門云歲朝春百年難  
遇聖天子萬壽無疆按崇禎元年元旦立春陳省公用  
此聯作楹帖

郊上辛杜稷上戊文廟上丁戊在丁後故先丁如十日  
丁則一日戊當先戊而後丁弘治間吏部主事揚子器  
上言戊從初十之丁則次戊非上戊也時無諳禮者竟  
寢不行李崆峒集



四明中秋宴飲以八月十六日相傳史彌遠官臨安還家度節沮風是夕始到遂沿為俗業業師云

洪武十七年勅每月朔望祭酒以下行釋菜禮郡邑長以下詣學行香。按北齊每月朔祭酒博士諸主展拜階下郡縣朔朝朔日行禮始此其後遂以朔望行香朱子曰謁宣聖焚香不是古禮捻香不當叩頭只宜上捻香即出笏叩頭而拜由是觀之則宋亦然矣

康熙甲子秋九月海岱門內地中忽作敵有光如電初以為地震也已知已其地舊埋火藥覆以大石板上土厚尺餘不知何故忽發飛石所中凡傷二百餘人

無錫邵文莊寶二雨辨云雲興於山勃然滿盈既蘊而隆以雨者山雲也謂之山雨雲興於海倏然瀰漫既翕而盛以雨者海雲也謂之潮雨海雲之雨乘風以行雷鳴則止山雲之雨挾雷以動風吹則散海雨夏少而秋多山雨夏多而秋少

弘光初有携日本小歷一紙來者字體並從本國書首題寬永二十一年及大將軍等字

房山縣石經山峰巒秀拔名小西天隋大業間僧靜琬懼本教有難不能流通發願募工鑿石刊造一大藏經積於此山至唐貞觀初僅成大涅槃一部靜琬沒後其



弟子通刊造餘部歷遼金始完一大藏貯于岩洞者七  
地穴者三洞鑿以石門穴鎮以浮屠自來兵燹不之及  
二郎神即嘉州守趙煜斬蛟者也不知何代封為清源  
妙道真君

泰山自下至巔五千三百八十四步五尺紆折皆在其  
中高三百八十六丈九尺一寸實十四里零八十餘步

應劭漢官儀云自下至古封禪處凡四十里者妄也有

泰山道里記沁水張大理五典云

本有峯字

靈隱飛來元僧揚理真伽徧鑄佛像明嘉靖朝太守福

清陳仕賢士辰進士以楊及郊僧聞僧三石像斷其首瘞獄

中獄中大疫或云悞毀佛像也

入蜀有三谷四道西南曰褒谷從褒入南曰駱谷從洋

入東南曰斜谷從郿入其所從皆殊舊志謂首尾一谷

者非也其棧道有四從成和階文出者為沓中陰道乎

鄧艾伐蜀由之從兩當出者為故道漢高帝攻陳倉由

之從褒鳳出者為今連雲棧漢王之南鄭由之從城固

洋縣出者為斜駱道武侯屯田渭上由之了卯吾鄉許

編脩典四川鄉試欲強余同往余不果行為詳考道里

以當贈行之篇通雅無田字

甲申京師被陷始末詳談孺木金陵對泣錄中今全錄

人海記

卷六

駒案此條出何仲  
默三秦記方密之道  
雅十三卷地輿部載  
之

兩當通雅作兩黨

洋一作陽通雅作斜

谷道



於後云光祿寺署丞膠州高弘商自賊中脫歸秋末省  
其兄相國備述前厄云三月己丑朔甲辰上召考選中  
外官三十三人于中左門諭曰國家多事南寇北虜聞  
寇已薄固關雖無確報可謂近於門廷朕已脩省待咎  
此時何以撲勦何以安人心何以生財何以足用爾等  
其熟計之崧陽知縣黃國琦首對曰賊之驕由於招撫  
從來招撫無裨於事上問安人心對曰安人心不難在  
於聖心聖心安則人心自安上首肯筆記其名又問生  
財對曰今生財云加派云捐助俱非也豈非一而再  
而三乎皇上宜搜內藏盡所有以為外用上又首肯因

問用人對曰天下未嘗無人但人未必為用上大是之  
立除兵科給事中餘以次對未畢俄傳外札上手拆視  
訖倉皇遽退各官不敢散已傳駕回宮各官乃散知賊  
已至昌平也各官環各閣臣於御河橋楊觀光等貴以  
城守事魏藻德曰大家做靠不得一人是日內閣課庶  
吉士東宮日講官劉理順何瑞徵講論語首章未竟賜  
茶退夜二十刻部推左懋泰戎政兵部右侍郎總督城  
守未報乙巳閉都門時專吳三桂兵至不知即賊也夜  
攻阜城門即平并廣寧門即彰西便門漏下二十刻砲  
聲漸急丁夜後砲愈急賊環攻有旨城堵尚虛一千八



百守卒俱稱無餉襄城伯李國楨不登陴丙午巳刻賊  
入阜城西使二門人不知也丁未昧爽市人云宮女出  
西華門或傳聖駕昨出城辰刻宣武門北有內臣戎服  
可千騎云王太監救火呼開門答以鑰在中府擊之鎖  
未碎或云前門開遂沿正陽門至則被矢砲不可近自  
長安右門還宮巳刻賊入宣武門肆掠內臣被禍尤慘  
李自成射天承門題榜矢中天字上馳入宮午刻偽示  
五城購車駕所在戊申午前傳先帝自盡於煤山偽諭  
明朝文武大小官員俱限次日赴各將軍帳下具職名  
彙冊送覽願復官者量才擢用不願復官者草職為民

一本沿下有至  
字

一本作劉球

准給路引即放回籍敢有匿而不報兩鄰長班房主一  
併誅戮自是各官俱分投職名權將軍李友家自己巳至  
酉共報七十三人劉斯球等其去者以東草職回籍也  
主賊錄職名籍貫履歷寓舍僮婢長班錄訖皆駢對廳  
錮之工部侍郎陳必謙不即入擊以輿扛已酉先帝后  
移東華門簾舍武選主事大足劉養貞出私錢八千得  
柳棺殯之先帝不幸時首露細右足靴身衣短後布衣  
胸題朕既喪國光顏冠冕見人是日同先后長椅昇出  
先后衣笄甚肅鼻微傷其裳紉給越三日賊出梓宮二  
一丹漆一黝漆改殯焉先帝翼善冠龍袍玉帶滲金靴



先后袍帶亦如之定王騎驃來臨不敢哭而去次東宮亦騎驃至青衣褻帽觸地良久雖不哭隱痛不能起賊擁之去諸后臨哭可四十餘人臨而不哭者三十餘人養貞日侍側哀毀被執至李友家友據印字衿衿許錦衣宅年五十餘性兇悍所錮各官許家人傳餐印其面而入出即去矣丑薄暮李友傳各宮各據朝本朝見光祿寺監事林蘭友問朝本何若有佐史吳某云紅摺黃面開職名朝見蘭友如其言餘倣之刑部尚書張忻言黃摺非所用付紅單職名酉刻李友列騎七十三隊騎各五露刃押諸臣赴高舖偽將劉宗敏拘千六百餘

人夜半叱起俱蓬垢人予匹馬飛馳入西長安門出東長安門過御河橋夾道進東華門始知非朝也至會極門偽相牛金星深衣盤坐棕毯上面對東向右侍郎朱企郊盤坐金星側止向金星據縉紳錄一部硃筆點唱先令甲科打恭餘誦鄉貫諭高聲以應或托疾則令扶候合選即圈於錄上赴部聽銓選汪畢且回各榮營奔仆數人乙卯又選各官昧爽由午門入會極門牛金星宗企郊如前唱選預名者令候會極門否則出東華門或令出西華門不解其故蓋東皆回營西皆斬於門外凡七十六人多勛戚丙辰各營拷職官追贓內臣加炮烙尤慘劉宗敏家



論官大小勒限贖完日釋之李友等各混拷不勒限李友家七十三員選用二十九人聽其自捐夾傷十之四劉養貞再夾惟呼太上皇帝追四十三兩又銀杯二又徵之不應曰我寧死也王都等杖斃黨崇雅除通州倉場侍郎來謁李友角巾綠衣諸人就問竟蹙額不答中書舍人吳橋沈某始被拘風伴疾時呼流氓來殺流氓屢受鞭不之拷至四月二十二日同釋四月戊午朔乙丑黃紙傳二十七日即位塘報吳三桂舉兵逼京師戊辰李自成馳偽勅及吳襄手書招之三桂梓碎其勅擲父書不啓斬從使四人釋一人回自成聞斬大使怒召李

友等點兵站隊庚午自成脅東宮二王及吳襄東行步騎三十七萬戊寅吳三桂擊自成敗僅四萬騎回京步卒盡沒賊將李肖宇所部萬三千人才還騎十七庖人一家丁二云經戰十三年未有如此之敗者癸未午刻李自成回京入德勝門從馬約七十匹列東華門二十騎自御道入前一賊抱嬰兒不知何人也是日故學士楊觀何瑞徵光祿寺卿李天經李延鼎同鴻臚寺官八人勸進自成曰事且亟何登極之有劉宗敏厲聲曰已有旨明日登極各官可出料理各官退宗敏與自成爭曰爾幾十年辛苦一旦敗壞若不登極何以回關中自



成默然甲申果僭號先燬太廟主從此壞民居運入大  
內為爨具丁亥外刻賊出阜城門留卒七百餘人入大  
內及各巷縱火高弼商拘李友家被夾勒四百金詹事  
張維機主事蕭鴻基至夾其骨張尚書鳳翔前出獄被  
拘勒四百金不夾  
李自成入燕後拘明朝大小各官分營追贓有中書十  
數人同拘繫一室忽傳偽旨是夜俱令自經鑄鎖甚密  
外嚴兵守之各官以次雉<sup>自</sup>經氣絕縋斷大半墮地伏尸  
相枕籍蘓州申濟芳獨逡巡不就縊天黎明聞守者啓  
鑰甚入申急迫伏積屍中詐為死狀一守卒云生灰未

可知當頭人與一根連梃數十人忽一卒云料此輩已  
無生理鞭屍何為遽舍之出午後命各家僮識認尸首  
負歸殯殮申竟得脫後年八十餘卒於家太倉唐實君  
為余說

甲申四月京報絕月餘留都疑阻十三日有中人夜至  
內府云京師三月十九日已失守明晨張總憲藐山<sup>慎</sup>  
借御史周元泰朱國昌郭維經米壽圖至高司農印圖  
確齋所少頃確齋及史尚書可法呂侍郎大器姜詹事  
曰廣集議監國首福王或云潞王時並僑淮安高張之  
意屬於洛陽史頗不然之意在衛輝恐北耗未確尚尔



逡巡俄奏差回自都下云三月十六日丐服手菜筐逃  
出京其夕炮聲遠震迨旦寂然餘不知也諸人唯各  
散二十二日史尚書以三千騎<sup>勒</sup>王渡江俾召侍郎攝  
禮部印越三日史尚書速諸臣往江浦議事侍郎得史  
手札即傳示諸公素服會清議堂謀葺武英殿二十七  
日有中人奔南脩恣凶問是日告奉先殿姜詹事撰文  
高尚書舉筆云神宗皇帝之第二子第一藩云而史  
尚書札云至意專衛輝尋又札云洛陽衛輝並南下當  
拈闔孝陵之前云亡何總督鳳陽馬士英書來奉福  
王發淮安將及矣即日守脩南京太監韓贊周出迎二

十九日王舟泊燕子磯明日抵龍江關先召見列侯次  
尚書史可法高弘圖程註都御史張慎言<sup>同</sup>謁舟中王左  
手挈史右手挈高跪泣答之角巾衣葛坐榻上衾批俱  
敝蚊幃不具五月朔登三山門環城而東謁孝陵自朝  
陽門入經東西華門宿外守脩廳四日監國傳諭天下  
是役也南都始議未定馬士英成之史尚書前督鳳陽  
稔知福世子耽於酒色徐魏公和基值高尚書於皇城  
下曰事亟矣惟賢是立何論序乎史在高郵聞福王舟  
近即列諸臣名啓迎或云士英初意亦不專洛陽與史  
尚書同偶值福王舟擁而南背其始議後謂臣以千萬

耽一作湛



護蹕臨江欲駕南都諸公之罪給事中李沾謂告廟文出臣筆皆非其實也

南渡年號閣擬定武和光拜天探籌得和光冢宰張藐山曰光字上於文為火清朝年號曰治從水：能尅火李奈何果如其言

馬士英挾迎駕之功自江北來朝不欲出鎮故事輔臣必有入閣辦事之旨士英特繫銜大學士非內任也竟據政府史相國因自請出鎮鑄督師輔臣之印士英忌史聲望遠出已上又史先柬士英有福王不忠不孝等語士英意脅之史求還故牘終不相忘掣肘陰螫以勞

勩難泯遂移構新建姜相國相謂觀望異議冀并陷史也

燕京從逆諸臣留都傳報不一其最著者鄉人乘怨輒馳檄聲討始蘓則首項煜錢位坤宋學顯湯有慶常敷則首時敏皆焚燬屋廬尋臺臣嚴禁御史祁彪佳撫安蘇松常鎮誅首亂六人乃止

桐城阮大鍼初附東林與嘉善魏忠節爭史掌科因投逆瑞歷太常少卿坐黨廢避禍金陵稱詩好客素善素善內巨馬應芳馬士英僑南都時：過從南渡初總憲張藐山改冢宰奉詔言逆案置勿用大鍼計沮嫉誠意

兩首字一本皆作有



伯劉孔昭拉勲臣廷攻家罕專右文臣自是家罕四疏乞休士英密薦大鉞言其知兵立除兵部右侍郎呂對以高相國廷爭臺省交論未拜命而心益急士英令徐俟之及涖官每朝罷輒手招士英就語自示於諸紳中日同士英輩狎飲後常款錢侍郎附馬錢寵姬柳是如大鉞請見貽以玉帶曰為若覓恩封談孺木云

張藐山家罕去後誠意伯劉孔昭之權日甚自謀入相不得乃薦兵部侍郎德清蔡奕琛南都之禍始於誠意

潰於馬士英阮大鉞

司禮韓贊周字象雲賢內侍也知光帝始而憚中而疎末

且厭之嘗盛夏擊球三人交莫不休贊周凝立不動十二月西宮成臨御上色不怡贊周請其故上曰無佳優人奈何贊周泣曰臣意官家思先帝乃如此抱恨乎上常責太監馬永芳爾但知印堂安知我印堂指贊周也黃澍本歙人年少輕侮作葉子裕品第宗婦之貌見擯於族走杭州冒籍郡庠丙子舉於鄉明年成進士授開封推官壬午禦流賊開渠轉粟河水秋溢遂灌汴城禍自開渠始又搜民間藏粟併金錢奪之汴人切齒及內召烈皇帝面問開渠者誰也委之流賊利口迅舌人莫能難以御史按楚未及瓜遽入朝意覬開府廷劾馬士英



青數其罪弘光帝色動云黃澍言之有理顧高相國記  
之士英跪階下惶愧欲死出因行金結細內臣張執中等  
蓋平賊將軍左良玉嘆馬氏故大言清君側之忠澍出  
良玉手書挾重鎮以劫之及澍還按楚士英陰遣人購  
良玉而澍孤矣尋免其官畏禍匿良玉所女婦其子明  
年左氏稱兵犯闕實澍為之厲階也

乙酉五月南都敗士英出逃至孝陵詭飾其母為太后  
召守陵黔兵自衛所過劫掠一空從廣德州走安吉知  
縣黃翼聖掃衙舍以停偽太后及士英家眷浙撫張秉  
貞下檄安吉問太后真偽翼聖啓云閣部既真恐太后

亦非假張遂備法駕迎入杭州偽太后駐朝天門東李  
統兵宅士英屯兵湧金門外王氏園潞王恭謁太后如  
常禮辭之已令妃具宴送入妃躬詣陪侍復峻辭之日  
夕惟與士英後妻及婢數人相處人始疑其偽本朝兵  
將至士英走台州魯王監國訪太后不得會稽熊少卿  
汝林責士英不扈皇上乃每后之狗子士英無以應  
戴山劉先生前削籍家居南都渡起左都御史入京不  
携冠服先馳疏自稱草莽臣歷指時事之失內及逃將  
封爵貴陽及劉澤清忌之蓋劉自臨清南遁謂中其隱  
各疏攻先生澤清疏并列左良玉黃得功劉良佐 傑



名請加以重僇實各鎮不知也先生至南京借冠服赴任士民鼓舞稱快犀璫亦曰劉先生君子也恐不得久耳果即引去

甲申秋南教坊不足充下陳私徵之遠境阮大鍼揚文馳馮太可宗輩各購進大內嘗演麒麟傳奇劇未終妓人首戴金鳳者三蓋宮中例承幸者戴金花以自別也甲申九月南都有選宮之命皇太后自於外守備廳擇六人未嫌命再選初各官必慎其後會於貢院狎笑褻視選七十餘人寢及獲抗太后侍女金花年十八來自中州殊色也所選並不逮上待如妃禮明年阮大鍼入

其宗女雖殊麗究不知誰氏也又書佐周某自獻其女太監田成來駐杭州貢院樹黃旗二選五人止王氏留京上之出奔也阮氏周氏王氏命還家

弘光朝雜謠。弘光年要做官非騎馬士英即種田監太

成射人先射馬士英擒賊先擒王鐸紅花開天子來不辨

衣衫只辨鞋。又聯周延儒字玉繩先賜玉後賜繩：

繫延儒之頸一同狐狗之頭馬士英號瑤草家藏瑤腹藏草：貫士英之皮遂作犬羊之鄰。自成不成福王無福兩下皆非真主北人用牛監南人用馬士英一般俱是畜生



倪鴻寶先生與同邑丁庶子進俱天啓壬戌進士選庶  
常嘗中秋聯句丁首唱云中秋佳節好吟詩為人所哂  
上偶問崩字何義丁曰君死曰崩倪曰先帝升遐曰崩  
進自愧漸與倪成隙倪少娶餘姚陳氏失歡後官尚書  
以妾王氏膺封誥丁遂脩怨嗾誠意伯劉孔昭訐其事  
倪奏辨陳氏失母意遣婦外家命娶王宜封引海瑞前  
妻許氏潘氏弗封；繼妻王氏為例幸上不問倪竟以  
此自免婦陳氏實同母夫人居非遣婦者甲申末陳氏  
訴於朝時孔昭在事奪王氏改封陳氏  
史相國分立四鎮意在收江北之援卒不得其力先是

四鎮兵各乞餉六十萬高傑最強悍黃得功劉良佐次  
之劉澤清為極弱史於揚州大會諸將下拜求出師傑  
雖跋扈頗感動遂率眾而北傑至睢州為許定國刺歿  
中旨切責之定國畏罪導本朝兵南下

乙酉三月初九夜嘉興府城內外居民戶上各有書圈  
或紅或白或書上或書日或斜書雙曉起驚異不知所  
自至閏六月羅兵變惟白圈白書之家不火徐敬可云  
楊文驄字龍友貴州舉人不第宰青田後量移江寧癸  
未蕪湖兵擾西征自敘事平仍返縣任張藐山改都御  
史疏劾文驄榜其文不令視事明年夏馬士英入相文



人海言  
三十一  
聽以甥壻起鎮江推官未行擢職方主事尋監軍鎮江  
明年五月拜巡撫僉都御史一日遽南遁時搃兵鄭彩  
方陳列江上聞之兵立潰弘光帝聞報即出奔迨曉馬  
士英亦逃南國亡

弘光即位語輔臣以先後妻妃三時方訪母后于中州  
未及宮眷御史陳潛夫按河南以童氏至有司護送入  
京年殆三旬坐詐冒下錦衣衛獄童氏從獄中上書云  
某年月日娶我某年月日陛下出亡所衣某色所飯何  
品所出何地又首帕妾所加也云云此書不知緹帥馮  
可宗作何狀獄上後傳聖諭有與潛夫同卧起之語然

綸之地豈應汙褻若此耶聞澤清婦劉氏上馬士英夫  
人書救童氏

乙酉六月本朝兵至杭州潞王常芳張秉貞以城降而  
浙風靡總兵王之仁守定海上其印督都方國安自杭  
走金華與朱尚書大典合兵尚書以方兵剽詐不許遂  
相持會山陰太學鄭遵謙倡義兵熊少卿汝林孫職方  
嘉績應之寧波則刑部員外郎錢肅樂浙東響集迎魯  
王於台州西築土城守江國安東下富陽下分屯金村  
嶺朱橋其屯朱橋則國安元子元振也號土漢營太總  
兵萬餘船五百餘沿朱橋列柵至轉塘口或說之曰山



一作西溪

路莫要於西漢而橫山大嶺扼其衝旁多間道荒竹可  
伏兵從此距營二里為清風亭以千人據之且西接五  
雲天竺可俯瞰杭城益張疑兵連合江東縱復不利豈  
能越險薄我營哉元科不以為然元科亦國安兄子戎  
旗營之總也八月元科以三千騎直趨六和塔明日戰  
於清風亭江東兵莫敢登岸越三日 本朝兵自六和  
塔來攻國安浮江身自督戰自晨及晡國安失利本朝  
兵覘橫山清風亭俱無伏九月既望以八百騎自清風  
亭五百騎自橫山夜去營一里乘勢奪橋偏寨門守  
兵皆走元料手斬數人嬰柵力戰 本朝兵登廟山望

柵中白牆不相屬遽發炮牆傾大呼馳入方兵大潰僅  
得及舟而遁遂焚其柵自是國安不復能渡江丙戌五  
月征南大將軍貝勒孛羅至西興荆國公將走台州馬  
士英以許封西平王勸國安降遂解甲後與元振俱被  
殺

馬士英奔紹興辨臣非誤國又挾方國安為重命戴罪  
圖功丙戌六月朔首逃

金正希先生倡義於休寧同縣令何通武遣諸生朱備  
迎黃澍於九江實不知澍已通款本朝也九月本朝帥  
張天祿畧地且至戰失利先生與歙縣諸生江天乙同



被執見洪承疇不屈遇害僧某殞之題曰赤壁金公極  
扶至蕪湖閩商某薄其棺改殯焉

徐冢宰虞求原名文治本禾郡諸生萬歷庚子斥場屋  
赴南武闈舉第一被攻走江楚殆二十年青浦令其受

業生也遂補諸生舉於鄉天啓壬戌成進士歷官介潔  
屢起屢忤乙酉閏六月二十六日本朝兵下嘉興先

夕公入城聞敗自經於故第精嚴寺僧直齋殯以米園  
袖有詩扇蒼頭祖敏殉其旁先生有別墅在賀家橋南

其孫顯武與子善時過話前事所著名可經堂集  
錢唐大遮山東明寺相傳建文曾避跡於此 本朝順

黑一作刻  
一本抱打有二字

治丙戌某月某日有二十二人皆偉幹傑貌免曹而入  
命守僧以米三斗作飯豆一斗作乳倉卒具食僧異之  
聞飽未曰未也亦不敢飽飯後徧視佛像不拜見建文  
像則拜而下泣一人在前餘隨後不敢並已而求浴裏  
衣朱殷膚如黑漆人臂二弓腰二銃試鳥雀不夫一鎧  
仗重鐵度所負荷皆百餘斤其一人泣拜者挽鞭重教  
十斤合二僧之力僅能舉而被運如棕拂竹如意問邑  
里姓氏不答聞其聲知為北人也問今何往則泪隱  
承睫曰吾糧盡游觀天下無可起事者吾安之乎曰三  
吳足賦可就也曰取三吳未能集事僧曰以諸公之敢



力赴義何患無成然不應諷之若空亦不應僧曰即出  
值官兵奈何曰吾伏劍行數千里先後所值何啻百萬  
千彼烏能難我僧曰自此天目氏寨始百餘所稱義師  
能往觀乎曰曾按視一二所皆盜耳不足目也因問道  
僧述天目徑山湖州之程曰吾之湖州曰湖州多守兵  
曰固欲遇守兵遂曹而去每厂人曹兩人力收之目欲  
道大尋聞其遇守兵殺五百餘人而二十二人無恙愾  
然數曰吾多殺亦何益且吾所以來豈為此輩哉皆投  
碧浪湖外勇陸辛齋述寺僧指月之語  
洪武三年庚戌五月始詔行科舉直隸貢百人河南山

一本自外勇下俱作  
山注

東山西陝西北平浙江福建江西湖廣各五十人廣東  
西各二十五人時直隸就試者百三十二人拔七十二  
人見考官宋潛溪鄉闈紀錄序試錄曰小錄按登科考  
無錫俞憲所輯中載在京鄉試直隸府州一百名河南  
山東山西陝西北平浙江福建江西湖廣山東各四十  
石廣西二十五名與潛溪集微有不同又按登科考洪  
武三年庚戌鄉試四年辛亥會試以後至十七年甲子  
始復行鄉試而金華府志有庚戌辛亥壬子癸丑連歲  
開科之語紹興府志云六年金鑄榜不知何所出  
雲南開科始永樂九年辛卯時貴州尚未附宣德四年



雲南貴州始合試共取十一人後漸增至嘉靖十四年  
分定雲南舉四十人貴州舉二人十四人

府歲貢二人縣歲貢一人洪武二十五年定嘉靖十年  
令天下歲貢五人選其一歲貢通學者避至十五年止  
天啓元年鄉試一榜廩生准貢崇禎元年戊辰以登極  
始有恩貢乙亥通考各學廩生拔貢一人己卯鄉試一  
榜俱充貢不論增附

永樂二年已選庶吉士矣而戶部辦事進士當塗李衡  
以年少自請命改庶吉士同江寧楊寧習書至宣德八  
年三月已選庶吉士十一月又選前科進士能文者徐

珪等十三人為庶吉士命學士王直教習此教習之始  
也

舊制貢士三科不第禁會試弘治三年始弛此禁

弘治壬戌科選庶吉士并脩撰康海編脩孫清李廷相俱  
課書學士梁儲王華教習先是天順四年選庶吉士劉  
健等十五人并脩撰王一夔編脩李永通鄭環命學士  
劉定之侍讀錢溥教習此外 甲率不在館課之列萬  
歷壬辰後選館概課而鼎甲不出序今與庶常一例論  
先後矣

正德甲子四川解元周洪謨丁卯福建解元陳俊第



一場俱五義

嘉靖初會場禮部條約許舉子帶洪武正韻一部表末不用瞻天仰聖董穀碧里雜存

科場舊規正主考閱易書二經副主考閱易詩禮春秋三經各不相涉詞林典故

李九我舉鄉試第一申少師瑤泉即留為館賓轉館於歸安董宗伯家癸未李得會元申正當國廷試時文定以子用懋入試避讀卷是科秀水朱文恪公一甲第一李在第二賜第後九我見秀水頗快一日秀水疾李過候坐榻傍推窓見庭松蟠屈笑曰弟嘗夢歷此景或

云功名在是今得之矣名次先後非豫兆耶是後歡洽無間

殿試策進呈必取書法整齊無舛謬者隆慶戊辰科閣臣擬進上疑首卷有私于二甲卷首得羅萬化置第一其卷字多塗抹者

各省鄉試專遣京官始於萬歷乙酉舊主副俱教職由監察御史所聘布衣政司提調按察司使監試彌封騰錄受卷皆有司例得閱墨卷有所識拔內簾無敢違者自專差朝臣內外簾始隔絕

典試差部主事始于萬歷甲午禮部推湖廣主試翰林



院某吏科左給事葉繼美上點另用工部主事莊懋華  
韓求仲先生師事湯宣城萬歷庚戌湯分房搜鄰房拔  
韓卷會元時方忌湯遂并攻韓竟免官終身不達  
鄉場監試例巡按御史或偶缺則代以巡鹽萬歷乙卯  
貴州巡撫張鶴鳴代匱監試此巡撫監場之始也  
萬歷丙辰會元吳江沈同和文倩第六名趙鳴陽作事  
發二人俱褫革京師以骰子戲謂斷公絕六

天啓壬戌會試閣推何宗彥領秉謙主禮闈上點宗彥  
忽及朱養純顧疑秀水有他故頗不懌後秀水捐館顧  
擬謚文懿朱公子力爭得謚文恪

廷試策偶悞筆以塗注不便例多任之萬歷己未科狀  
元莊際昌醪悞膠崇禎辛未狀元陳於泰陽悞易榜眼  
吳偉業曠悞曠

殿試進呈惟會元另封此明朝舊例也今不然

明朝宗室進士天啓崇禎兩朝共十一人釋謁後例補  
輔國中尉惟戊辰科新建朱統鈔選庶吉士改中書舍  
人復入館歷國子祭酒

萬歷甲辰進士同姓名者張銓一大名人一沁水人俱  
乙亥正月二十六日生科第子女皆同

莆田科甲最盛米時進士九百七十餘人諸科特起奏



名六百四十餘人大魁五人宰輔六人明朝自洪武庚戌至嘉靖戊子凡五十二科中鄉舉一千一百十一人進士三百二十四人狀元二人探花四人會元一人解元二十五人

鄉報急足始嘉靖中其時舉子尚自備青袍後官給不知所自

選歷科程墨自萬歷庚辰錢塘人錢穀字豐稟始錢貢生官終曲靖知府

會試同門房刻始萬歷壬辰

明朝故事御批一甲三人卷用玉管筆拆卷在中極殿

左

兩京鄉試及會試錄皆序稱臣外省則否以考官所自序也萬歷初上稿此以問閣臣欲罪之江陵具言其故乃止其後各省錄序皆稱臣

宗聖應作復聖 兗州滋陽縣儒學祀宗聖顏子之神與天下不同見陞  
卷志

土木之難李襄敏東從征脫歸進戶部主事夜夢作詩送楊鴻臚迎駕其詩曰天恩龍渥作鹽梅迎復君王出紫臺群虜潛踪歸朔漠六龍回駕入蓬萊明日以語同官明年事驗



御史出巡舊騎馬後來輿不知起於何時當是成化以後事浙江有舉子王化大帽見按臺某按所從起對曰即起於大人來轎之年

吳縣朱良育積學不第膺歲貢子鴻成進士官主事胞封不受竟明經沒

鄞縣余相國文敏丁有父永麟幼喪父育於小江里余氏後舉鄉歷蕪州通判生文敏既貴當贈三代不知所自出不得已贈永麟所後父慟及慟父鏜而命子孫家祭則自蕪州公始。文敏少從其父官蕪州慕崑山歸有光名將師之不果嘉靖乙丑文敏以編脩分闈拔有光

第二

一本無州字

戚少保光繼鎮蕪州門駐三屯營最久經畫周詳歿後有祠總兵尤繼先到任不拜祠除夕公庫災獨題梁及銀牌存題梁年月少保所書繼先歎戚公神人也刑牲以祭

上海唐柳所文獻先生謚文恪易名之典仍犯其名何也宜如陳莊靖文之例易之

嘉善錢龍門初入翰林崇仁吳相國文定南道語之曰若初到衙門須記三事不擬試題不受門生不出游席保名節



嘉善丁清惠公與烏程朱平涵相國相善謂其居台鼎

猶秀才氣象

明初朝鮮國王獻顏子以偽書却之按古偽書不一而足如毛漸偽三墳張昇偽元命芑孫定偽閔尹子阮逸偽元經宋咸偽孔叢子戴師愈偽麻衣子袁康偽吳越春秋明崑山二逢年偽天祿閣外史海鹽姚士麟偽於陵子皆不滿識者一嘖也

萬歷六年河南李蔭宰宛平構小齋發礎得唐李邕將軍雲麾將軍碑云碑石蕪沒良鄉驛舍裂為柱礎蔭輦邑署名其齋為古墨可辨者百八十九字首篆存唐故雲

三字

一作宋學士潛溪

宋潛溪學志前後集元季已盛行於世入明朝劉伯溫

選定為文粹十卷門人方孝孺鄭濟等又選續文粹十

卷皆方孝孺與同門劉綱林靜樓理手自繕寫刊於義

門書塾常製錢收齋宗伯曾於內閣見之方孝孺姓名

皆用墨塗去蓋遵草除舊禁也

鄭所南心中崇禎戊寅十一月八日蕪州承天寺君慧

上人浚智井得鐵函重積外標大宋鐵函經內書大宋

孤臣鄭思肖百拜頓首封自元世祖癸未歷三百五十

六年其書然見於世其精氣自不可磨沒也朱竹垞云



此是偽托不知何据

李空同刻淵明集盡去評注曰青黃者木之災太美之味豈羣口所噉哉

江都葛澗子常好積書撰國朝人物編自洪武迄嘉靖數百卷人為列傳甚悉年七十餘卒友人私謚為正學先生今其書不可得見

王元美所著讀書後四本捐館後公子吏部士騏於貨郎擔中重得刻以行世又有毀論十本係先生手書無副本牧齋宗伯乞於吏部秘不示人辛卯九月燔於絳雲樓之一炬惜哉

新建張洪陽位司業刊二十一史於北雍糜工部六萬

金有奇見李湘州集

濮州李尚寶先芳選明朝燕趙秦晉齊魯河洛淮揚藩邸

一本作東河小注  
一作阿

之詩附以蜀曰明雋吳越荆楚不與焉東阿于文定序曰自二南以下十五國風皆江以北地也降而春秋吳越之歌吟乃出降而戰國荆楚之騷賦始傳故江以南之聲則歌吟騷賦之流而風之餘也非始音也原音之始以北先也

南克陳文獻于當國時修正史列聖本紀皇后本紀建文景泰以實錄附載而不作紀郊祀廟祀典禮樂律天



文歷法宗藩學校選舉職官經籍賦役貨幣漕運河渠  
鹽法軍制馬政刑法郡國九邊凡二十二志揚滁徐陽  
三王高祖之十七藩成祖之二藩仁宗英宗各四藩憲  
宗之三藩外戚洪武之功臣諸臣建文之諸臣永樂之  
功臣諸臣洪宣諸臣正統天順景泰諸臣成化諸臣弘  
治諸臣正德諸臣嘉靖諸臣隆慶諸臣又理學文苑循  
吏高逸孝節亂逆權幸方技四夷列傳二十六明紀志粗  
畢擬草列傳丁酉六月三殿災輟業南充卒四相沈相  
國殊不以為意非其始議也書竟不成  
西泠社事起萬歷丙戌八月時歛縣汪伯玉鄞縣屠長

卿輩集西湖之淨慈寺地主則仁和卓明卿餘抗徐桂  
杭州布衣陳植之業醫苦吟好學其五言佳句如疎鐘  
四壁靜微雨一燈明移花春徑雨春竹午牕風絕似中  
唐風格惜全章散佚不傳周青士所記尚多偶錄此  
洪武開國事畧本湖廣行都司經歷蔡于璧之龍飛記  
畧卓氏溱林本吳興王氏所輯嘉靖以來諸掠美者頗  
多

藏書之厄如浦江鄭氏八萬卷燬於火義烏虞守愚侍  
郎德燁叅政父子築樓藏書萬書卷題曰樓不延客書  
不借人後蘭溪胡孝廉應麟賤直得之隨亦散佚太倉



駱侍郎一作侍御

王弇州書最富再傳而失開封中尉睦樗之萬卷堂會稽鈕氏之萬卷樓吾鄉祝侍郎之萬古樓武原駱侍郎駸曾平湖馮孝廉茂遠常熟錢宗伯牧齋非流散則灰燼矣楊循吉既老散書與親故云令蕩子嬰婦無復着手亦一道也

錢牧齋撰明史共二百五十卷辛卯九月晦甫畢越後日絳雲樓火作見朱衣人無數出入烟焰中隻字不存黃石齋先生著孝經集傳又奉命纂洪範明義四卷戊寅謫官即進呈云臣考篇中有錯簡者三訛字者三錯簡如五紀三德敷言錯而在後威福建極敷言錯而在

一作伏生小注一作晁

一作鄭紀小注一作孔

前誤字如晨為農式為忒殛為極之類皆伏晁之所不稽鄭孔之所未說宋元諸儒稍發其端明與諸儒未竟厥緒云

崇禎癸未楚撫宋一鶴敗沒妾金陵陳氏色藝兩絕為門客王屋所聘青陽謝泰政上選先娶致頌訟新安程奎戲作絕句歌舞叢中度歲華一朝忽散抱琵琶前身定是烏衣燕不在王家即謝家

長泰盧岐嶷嘉靖甲辰進士終貴州按察使初為戶部郎與汪道崑同舍時有餽汪脂香油皂者汪徵故實盧曰唐人謝賜口脂豆澡此二物也宴席有獅糖汪復



問於古云何盧曰漢光武禁猊糖不許高大此是已  
李空同作文凡地名官銜俱因時制不用古名

江陰李戒菴漫筆先世分關中寫吳原年洪武原年俱  
不用元字想國初惡勝國之號故民間相習如此按元  
字避御諱元章戒菴悞矣

陳友諒後裔為沔陽柯氏馬氏與部曲談王吳三家通  
居興國大冶瑞昌界中張士誠後裔為章邱李氏初敗  
時鄒乳母携幼子而逃冒李姓

鉄券分三等國公式二其一高一尺有六寸次高九寸  
五分博尺有六寸侯式三其一高九寸博尺有五寸次

高八寸博同上又次高八寸博尺有四寸五分伯式二  
其一高七寸五分博尺有三寸五分次高六寸五分博  
尺有二寸五分

明制文臣官銜支俸戚勲業官銜不支俸

外國詔勅事竣使臣上其筒禮部轉繳內府不得損壞  
御史聽選聽察首浙江道內計掌察則河南道蓋明初  
首下浙江先設官洪武元年詔開封為北京示重也名  
勝志云北宋以河南為京畿道故紀勝要覽首列浙江  
明朝蓋兩沿宋制此說非也

凡占籍者自軍匠民灶商外有儒籍官籍御醫籍先賢



籍正德庚辰吾宗嘗熟泚穹隆公應兆以御醫籍登第  
崇禎丁丑進士四川某齒錄書儒籍以祖父三世皆教  
職也

洪武十四年二月建太學自孔子以下皆撤像設神位  
外學仍如舊至嘉靖九年天下學官始撤像易主

征南將軍印木氏鎮雲南世佩之其印不全用量事大  
小或用一角或半角蠻人奉如尺一

南京洪武朝陽太平三門禁出柩魏國公家葬鍾山許  
太平門倒出

從來棺柩止有出城者故旅襯還鄉率停于墓田康熙

乙丑崇明相國宋文恪薨於京師奉旨馳騎差官送歸  
公子扶柩入蘓州府城里第治喪此變例也

宋景濂先生以洪武十四年辛酉卒於貶所葬夔州府  
蓮花峯下越三十三年永樂癸巳十二月二十七日蜀

獻王遷葬於成都之華陽安養鄉又七十二年成化乙  
巳十二月十三日蜀惠王改葬錦城迎暉門外

明初文臣多不得封贈父母及妻始于永樂十年然  
其時亦僅八人西揚勒石以垂後

京省設提學憲臣始正統元年五月命于二八月兼督  
民間栽種桑枣先是守令提調諸生孟月試經義仲月



論表季月策皆在學舍今之觀風季試其遺制也

明朝太宗伯不從翰林出身者凡三人錢唐楊寧正統己巳

遂寧席書嘉靖甲申嘉定徐學謨萬曆庚辰雖起署曹然皆進士

出身向例禮部堂屬未有用孝廉者康熙壬辰吾邑陳

實齋詵由司空調宗伯一時以為盛事陳壬子乙榜也

景皇帝園不稱陵在金山上距西山不十里陵前坎陷

樹多白楊及椿合三四人抱高可二十丈

建文帝葬處距景帝園不遠石碑題曰天下大法師之

墓按楊士聰玉堂薈記駙馬都尉鞏永固請追謚稱皇

帝上語輔臣曰建文無墓何憑追復尊號惜當時無據

此以對者

景泰以前漕船無定數天順以後定船一萬一千七百

七十五隻官軍十二萬一千五百餘員名至崇禎中額

船一萬二千一百四十三隻米四百萬石每舟正米三

百三十石每百石加耗米九石八斗又月糧四十金行

糧十六金。浙江舊額二千四十六隻糧四十萬石。

江南舊額各衛共四千四百五十九隻俱清江浦提舉

司所造

南京貢船共一百六十六隻龍衣船不與馬又兵部馬

快船六百隻俱供進貢



明朝民運白糧惟蘓州松江常州嘉興湖州五府有之共船  
五百六十七隻

成化間松江人以布餉貴近流聞禁廷下司府織造赭  
黃大紅真紫等色龍鳳斗牛麒麟等紋工作胥吏因緣  
為奸一匹有費白金百兩者孝宗在東宮深知其弊即  
位首罷之嘗閱內帑見之曰此布一疋文綺十疋價也  
終身不一御自是遂絕

松江細布歲輸京十二萬三千八百六十疋華亭十六  
萬五十一百疋有奇上海四萬二千七百二十疋有奇  
青浦二萬三千四十疋有奇萬歷初加八十疋

弘治十一年大學士謝遷言臣祖榮任福建布政司都  
事例不得封乞以已得誥命移贈上並予之天啓初太  
子太保吏部尚書張問達言臣父某任四川眉州判官  
坐劾奪職臣令維縣得復冠帶不得封今乞恩命許之

閣臣賜蟒服始弘治十五年十二月乙巳

北京宮殿遇災凡九永樂辛丑月庚四子三殿災壬寅閏十

二月戊寅乾清宮災弘治戊午十月甲戌坤寧宮災正  
德甲戌正月庚辰乾清宮災嘉靖辛丑四月辛酉九廟  
災丁巳四月丙申三殿及文武樓奉天左順右順午門  
災辛酉十一月辛亥萬壽宮災萬歷丙申三月乙亥乾



清坤寧宮災丁酉六月戊寅三殿災

嘉靖時有祖宗御容藏永孝景神三殿

嘉靖癸丑暹羅國貢白象道斃使者以珠寶飾牙置金盤中并獻象尾

秀水朱文恪公萬歷癸未進士第一臚傳日文恪父太

醫院使東山緋服侍班。乙未以脩撰朱國祚為司經

局洗馬故事鼎元無任洗馬者八月充皇太子侍班尋

清理貼黃靖難功臣舊署奉天征討文恪曰文皇不得

已值此奈何以同姓加征討志改靖難

每年十一月朔傳戴煖耳音百寮傳衣不謝傳煖耳獨謝

世產一作左屋產

韓城薛相國觀不良次坐莊五萬籍其家財六百萬所

居正廳事三間共室四進並世產也惟好使氣故鄉人不附朱右軍述霍魯齋語

燈市舊在內城東華門外今移正陽門外靈佑宮傍至期結蒂舍懸燈高下聽游人晝觀蓋京師坊巷元夕不放燈也

大內牡丹盛開神廟思以磁瓶貯之偶江陰民有一均州瓶高數尺許欲得十金或笑之忽內官覓進上喜問價幾何奏曰二百金上諭先給百金如未肯再給五十

金



神宗侍皇太后最恭篤萬歷丙戌梓宮殯殿產蓮花九枝故後稱九蓮菩薩閣臣申時行許國王錫爵皆有瑞蓮賦

明初武職多拔於勲胄後乃開保舉將才之例往循名而不責實華容劉忠宣為大司空始議行武舉疏請倣唐宋故事每遇文舉鄉試之年亦將武舉預期行移各省試可取者送兵部會萃數目請於次年四月開科初較騎射以發十矢中三矢以上者為合式次較步射發九矢中三矢以上者為合式三試策二道論一篇優者列職推授若非全材則斥而不用

元張中丞養浩歸田類藁有登憫忠閣詩自注云北三十里為大內虞文靖集作襄敏碑云至元某年始大城京師於大興故城之北中為天子之宮廟社朝市各以其位而貴戚功臣悉受分地以為第宅然則元之大內在今地壇之右矣當時携李願淵白獻燕都賦寧海李侑孫有大都賦惜皆佚不傳也

興隆寺有八景弘正間都下諸公賦詩成卷馬東田和之復為跋尾今詢之寺僧罕有知者

北方山藥產於來育者為天下最嘗於朱竹垞檢討席間食之真瓊糜也

大房山僧多植牡丹其色有大紅淺綠二種絕奇



宣德紙有貢箋有綿料邊有宣德五年造素馨紅印又有白箋洒金箋五色粉箋金花五色箋五色大簾紙磁青紙以陳青款為第一

元方輿勝覽大興府載佛寺三十八區中有海雲寺元時有千葉杏二株名芙蓉杏傳巖起在京師築清晏堂以此花置瓶中錢唐張叔夏見之稱其奇麗可觀江南所無岩起索叔夏賦之為填三妹詞海雲寺今失其處故老蔑有知之者

出阜城門西行三里許有報恩寺又西三里為靈佑觀又西為廣福寺又西為嘉祥觀又西為元應觀八八里

宋作採

莊堡為摩訶菴又西為永慶寺又西為慈壽寺又西為元福宮嘉祥觀多松入門二株尤秀潤摩訶前殿有碑二碑父左為鉛山費尚書家撰右為華亭孫尚書承恩撰俱嘉靖二十七年立殿後右廂有竹一叢院中雜蒔花草堂懸萬物存三字墨蹟上用恭穆獻皇帝睿筆墮下有嘉靖年製小印堂後松二株高出殿脊其後則中官趙政墓也元福宮建於正德五年至天啓五年重脩中有蒼松四最奇古後殿三清六真像皆范銅為之配殿文昌與夾侍童子亦銅像鑄一騾銅質先潤絕似宣德鍍金燠爐色殿前後凡四碑一仆為人磨去正存



中書舍人袁志學一碑崇禎元年所立也

興勝寺去摩訶菴一里許土人目為松林今松無復存者萬歷中所建後有藏經閣可眺西山東北有果園、有中亭白象芳亭北砌石為流觴曲水其東有閣白明遠春月苑杏雜發登閣望之不異錦城花海也

阮大鍼降時本朝兵方下浙東儼然以福建巡撫為掌握中物隨征南行至仙霞關暴死其僕下頓求棺不得時天氣炎熱三日後乃得門扉一扇募土人舁下山則尸骸悉潰爛虫出矣草、薄殮不知埋骨何地無子絕祀

馬士英自南都逃至紹興府入方國安營既而阮大鍼亦至本朝兵渡江士英國安走台州大鍼迎降錄用降官奉有既大鍼投誠獨早之旨以軍前內院隨征急招士英及方逢年方國安等出降時唐王改元於延平士英心懷首鼠密表通軍中消息及本朝兵下仙霞關唐王倉卒出奔書損委棄道路貝勒于亂籍中得士英表大怒以洩漏軍機與二方同日處斬懸其首于黯淡灘而去時錢西頑先生在福建親見之

南渡立國有三疑案甲申十月二有僧大悲蹤跡頗異至石城門為邏者所執詔府部科道法司會審據供稱



石麟作石麟

先帝時封齊王以崇禎十五年渡江其語似顛似狂詞  
連申紿芳錢謙益於是阮大鍼楊維垣等令張孫振窮  
治之欲借此以羅執清流造為十八羅漢五十三叅之  
名如徐石麟徐沂陳子龍祁彪住等東林復社計一網  
盡之孫振審詞云大悲本是神棍故作風顛主使實煩  
有徒陰提線索語多挑激上怒而上意不欲深究御史  
高允茲上疏解之申錢各具疏辨焉馬士英遂不窮其  
事以弘光元年三月棄大悲於市時又有童妃及北來  
太子二案真偽莫辨上初封德昌郡王娶黃氏早薨繼  
李氏再繼童氏封王妃生子不育洛陽陷逃民間與王  
相失太妃及童氏各依人自活太妃之南也巡按御史  
陳潛夫奏妃故在上不問至是自詣巡撫越其杰所具  
陳本末廣昌伯劉良佐以儀衛送至都上大愠下鎮撫  
拷問妃在獄細書入宮月日及相離情事云以某月日  
城陷爭出宮妾具饌奉帕裹上頭踰墻而逃求馮可宗  
為之轉達上棄去勿視命屈尚忠如酷刑妃呼號詛罵  
尋瘦死獄中或云在獄未以南京陷不知所之有言童  
氏周府宮人逃亂至蔚氏遇上旅帥相依生一子已六  
歲上南奔各不相顧氏遂委身民間馬士英勸上迎入  
宮不聽劉良佐奏童氏實非假冒懇賜曲全上諭童氏



妖婦冒朕結髮宮闈風化所關豈容闖入法司亦即示  
情節以息群疑覽上諭但斥其冒結髮則為繼妃無疑  
馬士英據外訛為逆旅生子已六歲勸上迎致此語大  
妄不思洛陽之陷在崇禎十四年辛巳正月距甲申統  
四年耳安得有六歲子哉且上之不聽也至大悲事迹  
始終不明既入獄受當事意肯不得不托瘋顛意其招  
辭必有駭聽之語故急誅之以安反側耳不然阮大鍼  
方欲快心於東林豈紹芳謙益一辨疏可免士英何所  
畏忌勸令中止上意復何顧惜不欲深究其中顛末朝  
臣固不能知也初福世子沒德昌郡王以次當立士英

撫鳳陽時有以君民藏王印首者取視則福王印也詢  
其人云有負博進者持以質錢士英因物色之上與士  
英初不相識但據王印所在以為真世子甲申國變後  
南都方議所立士英遽從外擄戴福王以為已功大悲  
者或云齊庶宗士英之不肯窮或治止知德昌之為福  
世子猶未能實信上之果為德昌也上之不欲深究亦  
有自知之明耶童妃但德知昌即位故詣闕求見而不  
知今日之德昌非昔日之德昌也大悲但知福王世子  
應屬德昌而不知上之業已為德昌也童氏既下獄自  
言失身之婦無敢復生非望但求一覩天顏歸死掖廷



夫童氏陳情愈切則天顏愈遠何不求見太妃召入永  
巷而訊之也童氏既不容見則大悲之死固其所矣。  
烈皇帝殉國或傳太子匿太監曹化淳家為嘉定侯周  
某出首或云被脅東出薨於三河所傳不一弘光改年  
有少年至留都自稱故太子也時馬士英未敢決以為  
偽但設三疑端以迎合上意而首斥其偽者王鐸也鐸  
不過欲效雋不疑以自附通經足用者耳至於方拱乾  
辨認面質其偽反滋人疑拱乾是時方從北來掛名從  
賊之案待命吳門一旦召之入都還其原官許其滿雪  
有不奉馬阮之意旨者乎拱乾舊為太子講官考東宮

出閣去乙酉無幾時豈有少年于象中望見拱乾即指  
彼髯者為方先生而東宮面貌拱乾反不識耶果其偽  
也一見立辨即宜叱下如雋不疑叱收偽衛太子事豈  
不直捷乃漫不置一語顧以講讀時瑣事為問蓋當時  
講官止拱乾一人在列旁無一人為之証佐即少年所  
答盡是拱乾盡以為非誰從質耶及再審時置禁城圖  
於前指宮殿名目及帝后所御居無一差謬士英初令  
大璫盧九德及舊東宮內臣於城外僻處以先帝并永  
定二王庚甲及宮庭制度詰之無不熟悉于是鞫問計  
窮楊維垣乃颺言于朝曰駙馬都尉王島侄孫王之明



貌類太子固悉宮中事士英以其言入奏從此遂稱為  
王之明維垣以逆黨廢錮十七餘年宮闈親密何由知  
悉而此說獨出於其口聞維垣賜言時亦祇係揣度之  
詞後遂據為定案時江督袁繼咸楚撫何騰蛟皆有疏  
力爭上雖曉諭再三人不見信也本朝兵下南都豫王  
命少年坐聖安上携以北去不知存亡。桐城錢飲光  
熟於南都後事余嘗詢之先生云大悲本末不可知而  
決為中州之郡王也童妃出身不可考而決為德昌之  
故妃也少年之為東宮不可信而信其決非王之明也  
先生有傳疑詩三首載田間集中

廷杖之制最損國體然成化間言官受杖者許用綿紙  
衣蓋其下體故杖而不傷其膚第捷之於朝而已不欲  
死之也自正德時劉瑾用事始去衣自後受杖者多不  
免矣弘治以前詔獄之旨惟叛逆妖言強盜則云好生  
打着問喇虎殺人則云犯打着問其餘常犯送鎮撫司  
問鎮撫奏送法司議罪中間情罪重者始有來說之旨  
部寺覆奏始有降調之旨至嘉靖中一概打問無復低  
昂林貞肅公俊致仕後曾建白此事世廟下其章所司  
竟不行當時首被其禍者先京兆也

劉文靖健以程篁墩敏政短其不能詩銜之釀成廷鞫



之獄李文達賢之嘆葉文莊盛也亦以疵其詩文之故  
二公賢相也其器量狹小乃爾

顧江東楹帖云才美如周公旦着不得半點驕吝事親  
若曾子輿纔成得一箇可

宋朝舊制殿試皆有點落臨時取旨或三人取一或二  
人取一或三人取二故有屢經省試取中屢見擯于殿  
試者張元遂以積忿降元是為中國之患于時廷臣建  
議歸罪于殿試亦落嘉祐二年三月辛巳詔進士與殿  
試皆不輟點落迄今永為定例  
相傳明制自翰林出身始謚為文細考之亦不盡然曾

榮襄 馬襄敏 愉 俱廷試第一入內翰而不謚文 魏文

靖驥 吳文恪 訥 葉文莊 盛 鄒文敏 濟 儲文懿 璿 邵文莊

寶 楊文恪 廉 姚文敏 夔 王文莊 鴻 儒 何文肅 喬 新 非 翰

林而皆得謚文此例當於隆萬以後

明初文臣無謚劉文成基宋文憲濂宋文恪訥朱文恪  
善咸請之康陵王忠文禕請之裕陵姚廣孝之謚恭靖  
胡廣孝之謚文穆則自永樂年始

李林甫之奸竟得善終乃於身後屢被天譴元和中息  
州一娼震死朱書其脇曰李林甫宋紹興中漢陽蔡氏  
女被雷震死朱書亦有文曰唐相李林甫明洪武間吳



山陸允誠家烹鷄背有李林甫三字宛然蓋已墮畜生道矣續問奇類林

一作巡案

粵西七星巖洞壁上舊刻元祐黨籍姓名明弘正間有欲琢去者時巡撫某公謂不若留示千古至今尚存康熙二十年御書清慎勤三字遍賜中外衙門按呂舍人官歲當官之法有三曰清曰慎曰勤其道出王隱晉書又李康答司馬文正之問有官長當慎當清當勤脩此三者何患不治云

正德間朝議欲起三原王端毅公怒汝南強景明詩云八十耆年二品官歸來清節雪霜卷雖然海內歸心在

無奈君前下拜難鷗鷺恐疑威鳳起風雲長護雲老龍

蟠三公事業三槐傳留取完名久遠看公得詩竟不起

又李文正東陽當國日久有士人投詩云才名直與斗山齊伴食中書日已西回首湘江春草綠鷓鴣啼罷

子規啼公得詩一笑而已

弘治朝張少恭子醇孟嘗言作人須要有趣對俗人嗒

焉一語遇學士大人有道術者與之談說名理揚推風

雅妮孟不倦令人洒然不能遽別一時前輩如西涯相

國蒲汀尚書皆海內重望每聯輿過訪張或留坐所共

脫粟之飯間出蔬果杯酒三五巡即止諸老自公第出

人一作夫

人海記

六十四



輟相謂曰吾儕遇張子房子房一飯勝倍別家盛筵矣

正德中韓尚書文欲攻劉瑾屬李夢陽具奏草謂之曰  
毋文、勿覽也母多、覽勿竟也此言極中入告之款  
建文二年廷試擢王艮狀元嫌其貌寢抑至第二而以  
胡廣易之及靖難師至金陵廣與翰林周公是修克期  
約同死周既自經胡負約與金幼孜解縉等迎降良後  
竟成節若廣所謂有媿科名者也

明末華亭有娶婦棄其孤兒再嫁富室又生一子及其  
死也前夫之子爭葬之質之縣令縣令判其尾曰生前  
再醮已無戀子之心歿後歸墳難見先夫之目而

其一作之

先京兆公在諫垣以糾分宜謫官分宜宜敗後起官歷  
文選正郎在吏部凡三掌大計嘗貽書與廬州公曰吾  
掌選九年未嘗修怨報復一人為汝等也親筆書余不  
及見先君子嘗為小子言之

鄭端簡公曉官文選時里中仕宦有餽金首飾者承筐  
而覆其上直以為若也受之其夫人手撥若知之而頭  
發赤亟傳柝請公入以語公、不動色第令覆若如初  
徐出名其人還謂曰吾初以家適之若故拜君惠頃入  
內詢之家尚有餘若心謝尊意不敢當也遂令持歸  
董大叅朴成進士後差過華容時劉忠宣公大宅憂在



里造謁馬忠宣留之飯：麥糲饌惟糟蝦一器量感省  
終身操持稚操

明武宗御祭元輔靳文康肯文朕在東宮先生為傳朕  
登九五先生為輔朕今南巡先生已矣嗚呼哀哉語簡  
而意備按裴晉公自為誌銘云裴子為子之道備存於  
家牒為臣之道備存乎國史體裁畧同

洪武舊制內侍不許讀書識字至宣德朝始以翰林官  
教讀內侍監其後司禮遂有秉筆太監一代弊政寔宣  
廟啓之也

今州縣戒石銘爾俸爾祿民膏民脂下民易虐上天難

欺四語乃宋太宗語書以賜郡國立於廳事之南者成

都人景煥所著野人間話其首篇載蜀主孟昶為文頌

諸邑云朕念赤子旰食宵衣言之令長撫養惠綏政成

三異道在七絲駟雞為理留犢為規寬猛得所風俗可

移無令侵削無使瘡痍下民易虐上天難欺賦輿是切

軍國是資朕之賞罪罔不踰時爾俸爾祿民膏民脂為

民父母莫不仁慈勉爾為戒深體朕思凡二十四句

明世宗初志華亭石刻南雍曰徐階小人永不叙用後

分宜得罪遂大用直至首揆眷注極寵渥刻石之言殆

忘之矣



弘治五年吾浙鄉榜胡世寧孫燧王守仁三人同舉是  
年場中見三巨人後宸濠之變胡發其奸孫以巡撫歿  
難平其亂者文成也三忠臣共成一事豈非前定因記  
宋寶祐四年登科錄第一甲一名文天祥字宋瑞小名  
雲孫小字從龍年二十第二甲一名謝枋得字君直小  
名鍾小字君和年三十第二甲二十七名陸秀夫字君  
實年十九是榜三忠臣死宋事皆少年尤奇

天子為下作碑者唐太宗為魏徵高宗為李勣元宗為  
張德說宗為段秀實宋太宗為趙普仁宗為李用和  
神宗為韓琦明太祖為徐達太宗為姚廣孝仁宗為張

巖

六部司屬皆書本部而都察院各道則直書道銜而不  
繫於院初謂各道得自彈於事院不相關白也按歐陽  
公歸田錄云御史臺故事三院御史言事必先白中丞  
殆非唐故事劉子儀為中丞始榜臺中今後御史有言  
不必先白中丞考唐時李承嘉為御史大夫名諸御史  
責曰近日御史言事不咨大夫禮乎蕭至忠答曰故事  
臺中無長官御史人君耳目比肩事主得自彈事不相  
關白若先白大夫而許彈事如彈大夫不知當白誰也

一本失字上有大李無以屈今之御史條陳事宜無不承風旨者失立官

字



初意矣

左寧南初畏流寇張獻忠之鋒避居九江遊擊胡以寧  
鈞致之遂住軍關廟一年巡道葉士彥以大義諷之仍  
返武昌乙酉南京立國監軍御史黃澍與士英構隙偽  
傳邸報藏太子詔召良玉入清君側澍從史之遂挾楚  
督袁繼咸自武昌東下三月二十七日至九江繼咸標  
將郝二所統與左營相連四月初四日大肆焚掠良玉  
氣塞而死

常黎楊子常家富于財初無文采而好交結文士與太  
倉顧麟士婁東二張友善以此有名諸生間初與同志

數人為應社其後二張名驟盛交益廣乃改名為復社  
弘獎風流幾奔走天下而與楊顧之交始終不渝前  
輩之厚道如此

楊琳者四川人舊以小吏給事張獻忠左右本朝順治  
末年隨孫可望降初授太倉州判陞吾郡臨安知縣嘗  
與人言獻忠破開封獲福王醢其肉雜鹿肉煮之以分  
餉將士名為福祿羹

萬歷中無錫葉工部茂才參之推闕蕪湖已事上羨金  
數千奏曰久旱而得通故有羨金請不為例且進羨非  
臣志也神宗賜白金松布以旌之後官至南少司空



衛與廠之設皆起永樂中其時事權盡歸閣部間有所  
監督收考則付之廠衛後二百年閣與衛皆廠之私人  
衛附廠以尊而閣又附衛以重清流之禍慘烈為前古  
所無本朝順治初年議復設廠北平張國猷時為垣中  
上疏極論其弊事乃寢真定梁相國云

一本事字上有其  
字  
三年一作二年

安慶設巡撫起於崇初年用歸安沈司寇演之議也  
天啓三年遼東失守吳門申司馬用懋時為南太常上

言請建四輔以鞏神京東南建城於通州高米店之間  
為左輔西南建城於良鄉盧溝之間為右輔西北建城  
於翠華城東功德寺之間為右輔東北建城於密雲順

義之間為左輔敵由東北入左輔出兵以扼其衝而右  
輔從左、輔從右各出兵如夾擊如假道三衛右輔出  
兵以扼其後而左輔從左右輔從右分兵追襲如直薄  
都城下則京營堅壁各守無輕出擊四輔各設長圍以  
坐困之疏上不報

王元翰滇之臨安人以萬歷辛丑舉進士時四明當國  
喜王之出其門而王之心弗與也由庶吉士出為工科  
給事中抗章劾四明次及紹興晉江以漸除其衣鉢  
三公皆相繼引去其黨嗾御史鄭繼芳發難報復糾王  
巡視廠庫姦贓以鉅萬計王盡出其篋行畀置國門縱



吏士簡括罄身辭去漂泊東南不得還滇崇禎癸酉七月  
歿於南都客舍貧無為殮寃狀始白

明制翰林典試初無迴避本省之例嘉靖癸卯無錫華  
子潛察以編修為江南主考是科瞿文懿公以易經中  
式後三年丙午典江試者即瞿也至辛酉江南順鄉試  
無錫吳編脩情為主考同邑得雋者共十三人物議沸  
騰為言路所劾於是始定例本省人不得為主考載錢

吉士同文錄批語中

葉赫國始祖係蒙古人姓土默特初滅扈倫國所居張  
地之納喇部一作納蘭遂據其地因姓納喇後遷於葉赫河

佳字吉字壹本俱作家

嵬建國始祖名星根達爾漢生子席爾克明噶圖席爾  
克明噶圖生齊爾噶尼齊爾噶尼生褚孔格褚孔格生  
太杆太杆生二子一清佳砮一揚吉砮兄弟各居一城  
哈達國人多婦之兄弟遂皆稱貝勒萬歷十二年甲申  
寧遠伯李成梁以賜勅賞賚為名誘清佳砮兄弟里  
開原繫漢壽亭侯廟中並從兵三百皆殺之清佳砮之  
子曰寨布為輔臣蘓克薩哈之祖揚吉砮二子長名納  
林布祿其弟名金台石相繼為貝勒即今相國明珠之  
祖也與滿洲世為婚姻後滿洲強盛始為屬國  
蒙古土語呼白為察漢頭為托羅海一為十七漢本為



人法言  
母東自宣府西至喀爾喀所經之地有白頭一木兩地名

康熙癸酉五月 上違豫京師為修齋禱禳之會初自諸王滿洲大臣行之既而漢中堂九卿下至五城司坊大小臣工富商大賈莫不效尤或三晝夜或七晝夜或九晝夜各於就近寺觀設壇焚青辭詞以禱皇域內外縑素黃冠奔走道路日不暇給自五月二十三日走至

六月終乃止

吏部選郎例從本部歷俸而至故副郎主事率皆後輩康熙三十四年六月德清諉未菴以事去特旨選用五

部進士出身者秀水袁靜公由戶部正郎調掌選在衙門為後進未到任前投同司副郎主事俱稱晚生亦變局也

永樂初北京四門鐘鼓樓等處各蓋舖房店房名民居住名商居貨棧謂之廊房視衙僻分三等納鈔若干貫洪武錢若干文選廊房內住民之有力者一人僉為廊頭計應納錢鈔歛銀收買本色解內府天財庫交納以備宴賞支用今正陽門外廊房衙猶仍此名

明朝有官莊屬慈寧慈慶乳清三宮取歷朝以來各府州縣沒官田地子粒徵銀濟邊而以其餘繫之進宮項



下脩給賞之用謂之三宮子粒著為令甲刊之上供正額沈榜宛署雜記

東安門外稍北有禮儀房乃選養奶口以候內廷宣召之所一曰奶子府隸錦衣衛其制每制季精選各里良家婦年十五以上二十以下四十名養之內曰坐季奶口別選八十名籍千官曰點郊奶口季終則更之每遇不時宣取則就中選一人易高髻新衣如宮粧以進產男用乳女者產女用乳男者後來夙戒奶口類不稱旨臨時多別選城市婦人以應有雇值之費打點之費上納之費而奶子遂為一奇貨矣幸一見苗則終其身事

所乳得沾恩澤無復出理其食報特隆云宛署雜記

明朝籍田之禮先期一月順天府行宛平大興兩縣選集老人年高有行者數十人於本府氣候堂後隨班習儀預脩牛犁穀種及耕斂器具良民二百餘人於地壇內搭蓋耕棚方廣五十餘步土瓦羅細數次覆黃土其上至期教坊司粧扮優人為風雷雨地土等神小伶為村莊男婦播鼓唱太平歌兩縣民執農具各列籍田左右駕至左手執鞭右手執金龍犁稍前導駕二員牽牛老人二扶犁老人二執箕桶老人二夾駕左右名幫耜臣凡往迴者三駕升望耕臺御座公卿以次親耕



畢順天府治中通判推客官各携穀種箱一掃散地上  
老人牽牛覆土為耕種狀小伶百餘衣田家男女服奉  
五穀以進駕迴齋堂受賀畢宴三品以上官賜耆老及  
農民各饅頭二个肉二斤隨駕官民各執農具從至午  
門復賞老人各布二疋農夫各布一疋宛署雜記

棋炒嘉靖三十年戶部行宛大二縣領太倉銀三千散  
給各燒餅舖戶每銀一兩上棋炒乙石其法用白麩炒  
和香油芝麻為棋子塊樣炒熟工部送至行軍處所支  
用宛署雜記

明朝有女轎夫林鳳妻夫王氏等一百九十三戶查原

籍福建閩侯懷三縣人於洪武中撥送南京應當女戶  
永樂間隨駕北都專供大駕婚禮選妃及親王各公主  
婚配應用給與優免下帖令其男子在外供給免其雜  
差天順間各戶消乏告杜五城及宛平縣會同僉補嘉  
靖三十一年止存八戶八題僉楚相妻王氏一百餘名  
補足末年楚相等陸續改撥錦衣校尉萬歷中復行僉  
補不許黃綠改撥宛署雜記

蓼戶明制宛平縣額辦酒醋局杏仁十一石五斗色麩  
紙三萬張蓼芽二萬斤杏仁紙招商市買原有額價惟  
蓼芽係土產之物而法又必取鮮者以是向來不議價



止於鋪行銀兩內定脚價七兩責令近城居民數家依  
時採謂之蓼戶城近園丁計畦領錢彼此相幫一家出  
名百家共貼其後歲令舊蓼戶添二十戶一經報名各  
不相貼小民甚以為苦萬歷十九年內按院劉某訪行  
前弊行縣每草一斤議價二厘五毫名高辨進以前蓼  
戶并雜費名色盡行革除著為定額民困一甦宛署雜記  
皇城內牆外內紅鋪明朝隸五府勳臣掌管巡邏凡有  
倒卧及縊溺戶骸請題隨駕錦衣衛官一自行據宛大  
二縣官相驗具印結奏請定奪謂之駕相稍涉疑似送  
法司蓋以防內臣壅蔽故以耳目膏守土官也至正德

未劉瑾用事權歸內衛兩縣惟持空印結臨事填之是  
否虛實法同卒不得與闡非若外郡縣三覆檢年之廷  
尉亭讞疑法豈外檢可疑而駕相可不疑耶豈在外者  
多斃於人而在內者俱自斃耶於立法初意不能無悖  
矣宛署雜記

明朝大臣賜第京師者胡忠安在麻繩街李文正在  
灰廠小巷李閣老衙衙張文忠在五顯廟前張閣老衙  
衙李文達在東邊王府街

景泰初開講筵每講華命中官布金錢於地令講官拾  
之以為思典時高穀年六十餘俯拾不便無所得此載

絕一作像

街一作衙



蔣一葵長安客話按宣德中李時勉為侍講學士一日  
上懷金錢至講史館撒之於地令諸講官拾取時勉獨  
正立乃呼至前賜以袖中金錢則其事不始於景泰朝  
翰林院門左右飛沙積歲高與墻齊明世廟中掌院某  
嘗令除去官僚罷謫幾空未幾沙還積如故或以為形  
勝宜爾長安客話

明初六科在午門內與尚寶司相連今猶稱六科廊後  
因失火遷午門外長安客話

工部有銅匱四高可過人光祿寺有鐵梨木酒樽每  
樽用來二十石得汁百甕云是明籍沒沈萬三家物

明太醫院例於端陽日差官至南海子捕蝦蟇擠酥以  
合藥製紫金錠有御醫某者張大其事鼓吹旂幡喧闐  
以往或朝以詩曰抖擻威風出鳳城喧：鼓吹擁霓旌  
穿林披莽如虓虎捉得蝦蟇剜眼睛

明朝祖孫父子三代為尚書者惟福州林氏一家林瀚南京  
兵部尚書瀚子庭機南禮部尚書庭機子爌亦南禮部  
尚書

胡惠安公濙為禮部尚書自宣德丁未至景泰甲戌凡  
十為會試知貢舉官

新舉人朝見著青衫不著欄衫聞始於宣宗朝謂其異



於歲貢生耳及其下第送國子監則仍著欄衫蓋國學自有成規也

明制各邊軍士從戰身荷鎖甲戰士裙遮臂等具重四十五斤鐵盔錢腦蓋重七斤頓頂護心鐵脇重五斤弓撒箭袋重十斤腰刀三斤半蒺藜骨朵重三斤箭筒一斤通計共八十四斤半

曹文忠公萬初為教官不樂願為繁劇一職改江西泰和典史進學不倦復脩舉子業遂登進士及第入經筵尋入閣與政士林榮之

明孝陵即梁名僧寶誌瘞所傍有八功德水誠意伯奏改葬之乃見二大缶對合啓之則誌公端坐於內髮被體指爪繞腰矣葬既遷水亦隨往太祖異焉勅建靈谷賜之莊田甚廣仍迎其像建塔居之命太常歲祭董穀碧里雜存

則字一本無

誦一作講

成祖靖難後於都城四達之衢必建一聽經樓每夜令僧於上誦誦經義俾巨民席地靜聽之既遷都百年後舊制盡失尚存其一於北門橋與十廟相近嘉靖初僧新之人莫知為聽經樓之故址也

明初生員惟有廩膳增廣廩膳有額增廣無額成化中京師語曰和尚普度秀才拘數嚴陵姚燮時為禮部尚

一無廣字



書奏請故附學立焉

唐時議謚之法無爵者稱子若蘊德印園聲實明著雖無官亦奏聞賜謚曰先生亦有門生故舊私為立謚者如孟郊稱貞曜先生之類是也後世三品以上乃得謚號而無爵之謚遂絕

唐制公卿皆搢笏於帶而後乘馬張九齡獨使人持之

一無有字

因設笏囊自九齡始明朝公卿多有肩輿四品以下使

乘馬惟南京與外方面官迎詔送表時皆皆朝服乘馬有搢笏於帶者有手自持者有人為持者以意自便無所謂故事

晉漢唐巾乃漢儒者之冠明興科甲監儒兼而用之亦在此列者皆安分不敢僭用後來風俗僭侈平人以小帽為恥或一人僥倖科甲宗族親姻盡換儒巾曰廕襲巾故諺有滿城文運轉遍地是方巾之語

永樂中禁中有剪柳之戲即射柳也元人以鶉鴒貯葫蘆中懸之柳上彎弓射之矢中葫蘆鴒飛出以飛之高下為勝負往會於清明端陽周賓所識小編

明制殿試在三月朔日成化八年以悼恭太子發引改于十五日後用之本朝因今上萬壽節在十八日復

改期於後

一作後因之

人海記

卷之



茶感字下當有志字

桐城劉浩性好促織嘗出婁門見大水濱一大蜂以身就泥中展轉數回起集敗荷葉上俄化為促織健而善鬥所當無不勝者見陸燦庚已編而物類相感不載仁和郎瑛所著名續已編內一段云福建布政朱彰景泰初謫陝西莊浪驛丞有西蕃使臣入貢一猫道經於驛彰館之問猫有何異使臣云向夕請試之以猫盛罩於錢籠納空屋中明日起視有數十鼠伏籠外盡死蓋猫王也使臣又云此猫所在雖數里外鼠皆來伏

大同初改之歲失總兵官所佩征西前將軍印職方請結新印鄭端簡公時為主事白郎中總兵印文柳葉篆

請改印文或稱別將軍或增減其字恐原印在叛軍處有事時行文奏報真偽不可辨誤事非小往年胡忠安在禮部失行禮部之印改銷行禮部印在內街門尚然況邊鎮兵權又反側不靖時乎郎中不以為然

外戚封公自嘉靖中張鶴齡始駙馬無封侯者灤城富陽水春西寧皆以軍功封惟永康公主駙馬崔元以迎立世廟封京山侯

五月五日賜文武官走騾騎於後苑其制一人執旂引於前二人馳馬繼出呈藝於馬上或上或下或左或右騰躍躡捷人馬相得如此者數百騎後乃為胡服臂鷹



走犬圍獵狀終場俗名曰走解音鞵而不知所自豈金  
元之舊俗歟今每歲一舉蓋以訓武也觀畢賜宴而回  
彭時筆記

六科皆內府不詳所內自偶閱吳人陸鈇漫記謂光祿  
寺及六科皆內府街門

東直門外二十馬房收草料每房用太監三人每一  
萬用銀二十兩其馬數不許查理亦曾有人進本乞查  
馬數發問光軍。通州秋青草自正統十四年積草為  
虜所焚自後令天津八衛打秋青草遂為例陸鈇漫志  
兵部尚書鄺瑩一日向恭順侯吳某取五軍：數吳以

上聞鄺走謝之以軍數非外人所預知此祖制也陸鈇漫  
記

太子冠禮凡三如初折上巾二遠遊冠三九旒冕陸鈇  
漫記

明進士賜瓊林宴盡席上七盃水南翰記

內諸司舍屋惟秘閣最宏壯閣下穹窿高敞謂之木天  
永樂辛丑北京大內新成勅翰林院凡南內文淵閣所  
藏古今書籍各取一部送至北京餘收貯封識如故時  
脩撰陳循如數取進得一百櫃督舟載以進京至正統  
乙巳南內災文淵閣向所藏書悉為灰燼姚福青溪暇



筆

冠衣作衣冠

元時有只孫衣周伯琦詐馬行序曰華言一色衣也周  
憲王元宮詞健兒千隊足如飛隨從南郊露未晞鼓吹  
聲中春日曉御前咸着只孫衣吳郡皇甫庸近峰聞畧  
云元親上及功臣侍宴者別賜冠衣謂之只孫今儀從  
所服團花只孫當是也按元史世本紀只作質

臣一作老

劉瑾用事時百官門狀啓禮悉用紅紙京師紙價十數  
倍雖元臣宿將必自稱晚生及門下生近峰聞畧  
宋制科先命從官各舉平生所為文五十篇於學士院  
中選而後召試明弘治癸丑以前凡選庶吉士必先期

呈所文為內閣謂之投獻猶有宋制科遺意後廢不用  
同前

李一作李

明朝年號犯前代者涼張重華五代蠻張遇賢宋方臘  
皆稱永樂元武太子阿速急八即位改元天順宋夏生  
李乾順稱正德正德改元詔下馬家宰試選人題曰宰  
相須用讀書人論用宋太祖事譏內閣也

太祖於後湖中築一臺藏天下兵冊避火災也築屢清  
乃命囊所誅髑髏為基臺即成此洪武三年事也徐禎  
卿翦勝野聞

京師稱為極尊者曰老先生自內閣以至大小九卿皆



然門生稱座主亦不過老先生至分宜當國而諛者日眾甚者稱夫子此後門生稱座主俱曰老師又有無故而稱老師者不可勝記觚不觚錄

六年一京察乃成化以後定例至於考察科道則或以輔臣去任而及其黨者惟嘉靖丙辰因星變命輔臣李本即名掌部悉取六部九卿自尚書至尚書丞及六科十三道分別去留之蓋分宜借此伸其恩怨也隆慶四年有旨命吏部高拱考察科道官高請與都察院同事大者削小者謫其後高雖敗而斥者不復用左右春坊中允入閣門內揖出用雙道贊善亦然而翰

林侍讀待講品故同中允然以本院屬官故揖則中庭出則單導獨至脩書講筵主西京試則皆講讀先而中允後此衙門故事也明萬歷己卯南京鄉試忽以中允高啓愚先而羅萬化後成法為之一變本朝各省鄉試翰林科員同差者必翰林為正而科員副之康熙甲子陝西鄉試江都許承宣以工科為正主考錢唐汪霏以編修為副亦一時變例也

分宜當國家人永年專為世蕃過錢署號曰鶴坡江陵當國而家人子游七司其出納署號曰楚濱一時士大夫無不稱楚濱鶴坡者觚不觚錄

甲子一作辛酉



之一作人

私鹽之禁至今日嚴密極矣嘗記宋時漕運至自荆湖南北米至真揚交卸每人皆市私鹽以歸每得厚利故舟人以船為家一有損漏旋即補葺久而不壞運道亦通明文皇嘗謂侍從曰篙工舵師有少販鬻但無妨公不必究問其寬大如此今之盤詰私鹽者粮艘亦在不免犯者無論運官運丁一體治罪又加以關吏之權真無纖毫餘利以惠窮乏之宜其計無復侵蝕官米也

明朝開科始洪武三年而定條例自十七年始先是試尚仍元制二十一年始刻程文先是正錄姓名鄉貫試錄定式自二十四年始陳萬漫志

四作二

正德戊辰廷試二甲三甲一名各刊策丁丑會試五經各刊文三篇皆異常格

許襄毅公進成化中以御史丁憂起服止京惟來馬其配高夫人素病眩暈不能御車亦騎而從竟不索轎時仲子司徒誥方在襁褓叔子少傳讚娘在腹而司馬論則其季也

分宜當國時有一檢討家居十九年既至與分宜抗禮上坐用侍生白單帖分宜亦不為異蓋衙門稱晚生惟七科前輩不論入閣與否又新進者于掌院學士稱晚生避馬馮夢禎快雪堂漫錄



殿試臚唱畢禮部堂上官捧黃榜鼓吹道出大清門一  
甲三人隨之餘進士則仍日兩旁出此定制也康熙庚  
辰科閣目孝感沁洲以本科會試總裁復充殿試讀卷  
官榜眼李俞心探花王露皆其禮闈所取前列士對策書  
法大不滿上意是日捧榜止用禮部司官而一甲三人  
俱不敢由中門出此後遂相沿不變矣

康熙庚辰二月禮闈舉子場事已竣方鎖闈閱卷二十  
日夜明遠樓上忽有啼聲視之乃一初生嬰女不知所  
自外簾官相顧愕眙以其事怪不敢上聞越二日進五  
魁卷遂令一役送此女置育嬰堂中明日有人抱之以

去後余至育嬰堂親問李老人果有此事亦人妖也

庚辰四月十七早東直門已啓鑰而門扇牢合不可開  
若有物錮之者自卯達申內外出入不通壅擠者數千  
人司馬兵役奔告九門提督以羊豕致祭戶樞旋開已  
近黃昏矣

庚辰五月初十以後太白經天在張翼二星之間日斜  
乃見非晝見也

自鄭州至雄州一帶春夏之交雨水泛溢行者病涉恒  
以為苦按蘓子由使契丹時有贈知雄州王崇極詩首  
章云趙北燕南古戰場何年千里作方塘烟波坐覺胡



塵遠皮幣遙知國計長又云城裏都無一寸閒城頭野  
水勢汙漫與君但對湖光飲多病偏須酒令寬則北宋  
時此地已為澤國當時引淀灤諸水以限戎馬之足遂  
成巨浸積漸使然也

本朝禁中宮殿門名大概仍明之舊與酌中志所載畧  
同乾清門之內為乾清宮之東曰昭仁殿西曰弘德  
殿東宮及諸土讀書之所一在門之東曰東書房一在門  
之西曰西讀書房皆北向翰林院直廬曰南書房與西書  
房纔隔一垣循西廊稍北曰翻書房在月華門之南月  
華門北曰懋勤殿乾清宮正北曰交泰殿交泰殿正北曰

坤寧宮有東西二煖殿坤寧宮直北曰欽安殿又北  
為御花園神武門自昭仁弘德而北兩翼相比者東曰

延禧宮承乾宮景陽宮景仁宮長春宮鍾粹宮西曰翊

坤宮永和宮咸福宮永壽宮啓祥宮儲秀宮御茶房在

乾清宮東北御書房古董房在景陽宮內敬事房在景

仁宮內中正殿在長春宮之西又西為咸安宮天穹殿

在景陽宮之東以上皆宮門之內乾清門之東曰內左門西下

曰內右門北下東向者曰日精門昭華門基化門景和

門近光左門西向者曰月華門端則門隆福門近光右

門月華門之外曰隆宗門之西曰養心殿南曰慈寧



宮太皇太后所居景和門之東為毓慶宮皇太子宮也又東為寧壽

宮皇太后所居此外尚有兆祥所遇喜所、內永安亭南府

西路南府中路東庫房西庫房鷹房大小狗房鳥鎗房  
鴿子房裱房藥房露房等名皆不在宮殿之數

一本諸宮殿名俱  
大字太監數目  
各以小字注於  
下

本朝內監數目。乾清宮總管二首領四太監十九打

掃首領三打掃太監七十八昭仁殿首領二太監七加

德殿首領二太監七懋勤殿首領一太監六自鳴鐘下

太監九四執事首領四太監六十六御茶房首領二太

監四十六上乘轎首領二太監三十七坤寧宮首領二

太監十東煖殿首領二太監五西煖殿首領二太監六

寶房即舊文泰殿首領二太監四延禧宮首領二太監

十四長春宮首領二太監十二永壽宮首領太監俱不

知數翊坤宮首領二太監十三永和宮首領二太監十

啓祥宮首領太監十四承乾宮首領二太監十咸福宮

首領二太監十七儲秀宮首領二太監二十四景陽宮

首領一太監七鍾粹宮首領二太監十景仁宮首領二

太監十近光左門太監四御書房在景陽宮內首領二

太監九右董房在景陽宮內首領二太監四東書房太

監三南書房太監三諸王子書房太監六西書房太監

三翻書房太監二敬事房在景仁宮內首領一太監二



十一御前太監四讀清書太監十二乾清門首領二太監十二日精門在宮東首領二太監五月華門在宮西首領二太監六內左門首領二太監十一內右門首領二太監十景和門首領二太監六隆福門首領二太監五基化門首領太監八端則門首領二太監七昭華門首領二太監八迎光右門太監五養心殿在月華門外正西首領二打掃首領二太監十五打掃太監八箭匠太監五按摩太監五鑊匠太監二學西洋醫太監二西匠太監一鳥鎗太監八養心殿露房太監三裱房首領一太監六大殿鷹上首領二太監十九大狗房首領二

太監二十九鴿子房太監三御花園在欽安殿後首領

三太監二十三北小花園在宮後首領二太監七天穹

殿在景陽宮東首領二太監四中正殿在長春宮西太

監十欽安殿首領二太監二十四熬火房首領一太監

十二柴炭所首領一太監十五炕炕首領二太監十三

北祥所在神武門內首領二太監十書房太監四遇喜

處首領二太監十所內總管一首領九太監四十三永

安亭首領三太監十七南府西路首領三太監二十九

南府中路在瀛臺南首領二太監九南薰殿在內西華

門內首領一太監二十五咸安宮首領二太監三十二



慈寧宮

佛堂首領二太監六。喇麻首領二太監二十。二。諷經首領二太監十二。管門首領二太

監十。花園首領二太監八。寧壽宮在毓慶宮東太監

打掃首領二打掃太監四。太監四。十。鷹上首領一

數未查毓慶宮殿上首領四太監十。門上首領一太監八。狗

房首領二太監二十。鳥鎗太監五。打掃首領一太監

十。睿前太監七十三阿哥下太監七十四阿哥下太監

七五阿哥下太監五十六阿哥下太監六東庫房阿哥

下太監四西庫房阿哥下太監三

三月初旬揄英方生時官廚米供御饌或和以粉或和

以麩內直詞臣每蒙賜食余有詩紀之

湯山在昌平州東南山下有湯泉行宮在山之東跨泉

為浴池癸未五月隨駕駐此偶閱曹能始名勝志云温

泉出昌平西北二十五里之湯峪初疑志訛是日作詩

因詳註此段進呈明日上賜御札云此湯非舊有康熙

二三年間輔臣時人始知之病者浴此始甚有益昌平

州西北湯峪之泉故在非志訛也御札隨繳進謹錄於

右以見 皇上之精於考證如此

古北口外有老樹根為沙水浸潤歲久發光以刀削去

薄皮肌理瑩徹大者合抱小如臂指皆透明如琉璃水

精夜置暗室中照見細字因呼為夜光木出水半月後

濕氣漸乾光亦漸滅成枯槲矣真物理之莫解者此物



樹亦不知名  
 猴頭蒜菰產鞍子嶺附近山中者一枚重斤許味道  
 厚如榆肉而鮮美過之元揚允孚灤京詩更說高麗生  
 菜美總輸山後蒜菰香自注云尖山產蒜菰按元之灤  
 京去此不遠物產正同又有一種生牛馬糞堆者名沙  
 菌亦可采食但形味差薄耳

勒一作勁

山中有野杏樹枝翰幹多被野燒所焚其根堅韌入上  
 不爛有花紋而香以為筆架及小香几玲瓏可愛御前  
 俱斷用之余受賜者用作小鏡架名之為蟠木  
 去熱河九十里入蒙古料爾沁界其地有湯泉 上坐

蟠一作蟠

湯回諭諸臣云朕坐湯凡二十二處所至必令西洋人  
 以銀盃盛水重湯煎之俟水乾驗盃底或硫或硝或釀  
 或砂各不同至其舒筋骨和血脉則一也

蒙古阿巴海部落地名充俄里有泡子河產天然鹽  
 生水中如層冰厚四五寸許鑿取成磚不事煎熬而可  
 食其味較中國食鹽稍淡又有產于高山者彌望如雪  
 人跡不能到則用強弓仰射取之又產精錢色如白銀  
 今 上用烏鎗皆采此鐵製造往聞明季嚴禁關口不  
 得出鹽鐵等物謂可坐困外國豈知彼中物產固自不  
 乏耶



黑也一作黑也

口外避暑行宮 皇上取朴素之義命曰山莊自西間

房起次鞍子嶺次黃甲營次樺榆溝相近有釣魚臺亦有接閣然非宿頓

次喀喇火屯蒙古云喀喇譯云黑地其地本名黑城亦

云烏城次上營子一名熱河次藍旗營次波羅火屯一

名皇姑莊其地與蒙古四子部落相近次唐山營凡九

處宮殿之制繪圖如一惟喀喇火屯地形寬衍溪山尤

勝行宮之後復創苑囿黃甲營向係腰站殿宇無多

駐驛歲不過一宿而已

塞山有毒草中人肌膚毒甚蜂蠆自唐山營踰汗錢木

嶺而外徧地有之俗名蠟子草蘆蒿四五尺葉如麻嫩

時可供馬秣經霜則瘁螫不可觸

椴樹葉與烏桕相似而大如團扇有鉅齒初生時可裹

餅餌蒸食霜後鮮赤若丹楓照耀岩谷其皮柔韌如麻

皮烏喇之人采以治繩作魚網入水不濡又可為烏鎗

火繩中國所無也按本草人參條下所載椴音賈而此

音斷不同

細鱗魚產灤河中旁近溪澗多有之重唇鱗如魴中有

黑斑大者一頭重斤語許味極鮮腴又有柘綠魚味與

細鱗畧同而形差小又有柳根赤長不過二三寸入釣

人海已

八

一作椴木



駱駝有紫色白色兩種蒙古與中國貿易臆健者每頭  
直價二十金以其卧而斂草腹不貼地故曰明駝  
行圍駐蹕之所擇地勢平行者刈草剡土測景向正南  
中立帳殿外設幔城以草黃布為之開東西南三門幔  
城外四面又設網城一重羽林周盧環繞網城之外相  
去率百餘步惟內臣廷扈從詞臣設帳房於南門三十  
步內以便不時宣喚也

烏喇奈山果也一名歐李叢生樸檉間紅如珊瑚比櫻  
桃而大味甘微酢蜜浸可以致遠蒙古諸山處有之  
璦琿山溝口蒙古名為生濟圖火羅昂阿有水不詳其

名源自旗營流下塞外諸川此為最大商人伐巨松成  
段散置斯十遇暴雨水漲則順流而出以道里揆之當  
亦達於灤河從永平南入關者

雍安嶺塞外諸山最高處嶺上多白山沙故名其山東  
連長白西界五臺嶺下為東西四旗舊營外即蒙古克  
什黑屯部落北去百餘里直走旱海矣或云此嶺之北  
即陰山恐亦未必然嶺上喬松挿天不計其數葉短而  
勁八月杪被霜黃落與凡材無異名落葉松蓋茲山下  
臨沙漠朔氣高寒宜無不凋之木也  
黃羊興安嶺上獨石口一帶草中有



淺黃色腹下白百十為群每合圍遙望拍：如鷺鴨所  
得以千計有耳無角尾似麀聲似麀本鹿類而以羊名  
本草謂黃羊狀與羊同腹下帶黃色者猶未得其真也  
虎有威骨長寸餘在脇兩旁肉中不附筋骨初生時骨  
平如一字年深則曲而為乙字其力始猛所謂虎挾已  
也東宮行圍時曾以一枚見賜後以與李氏外孫女云  
可辟邪

野猪毛深黑色高五六尺長八九尺絕有力上下四牙  
長出口外人莫敢櫻弓矢不能勝利用火攻味之美尤  
在皮行廚以供上膳非拜賜不得食

熊之力大于虎倚樹而立獵者不敢近必先以狗撩之  
俟其出林然後人力有所施鎗箭競加其計無復之則  
騰身上喬木之杪杓樹擲人：以火器仰攻力盡乃墮  
有猪熊人熊馬熊樹熊石熊之別余所見者乃石熊也  
本草云背上脂為熊白味甚美不知腹中之腴拌糖霜  
皆可生食也

大凡打圍惟在得鹿他如豺狼狐狸諸獸圍未合往；  
多竄出者鹿之類不一十麀鹿中總得一鹿十牝鹿中  
總得一牡鹿牝無角而牡有角老鹿之角有長至丈許  
者此為絕有力箭已洞胸貫腹負痛疾馳尚能踰險越



阻行數十里乃斃白露後秋分前極肥過此漸羸瘦矣  
哨鹿之說遠史已有之但未詳其法今特志之每歲於  
白露後三日獵者衣鹿衣戴鹿頭天未明潛伏草中次  
木筒作聲壯鹿聞之以為求其偶也遂踴躍而至則  
利鏃加焉無得脫者

鹿茸初解角時其長如蘭粟蒸而食之嫩如乳酥色白  
而微紅余陪獵三回僅得一嘗香味兩奇絕世謂江瑤  
柱食品無對惟此可與相匹

獵場草深沒馬腹山雉最多而肥驚人決起高飛不能  
遠及旋復入草中從行者往徒步取之易如拾蚌蛤

每月暮回營人馬後必帶數尾以供晚食間有飛入  
帳房中宴坐而獲者重陽以後瘦不中食亦如鹿過秋  
分則羸時候使然也

錢穀曰長尾下當更有一尾字○六尾之長與身等  
飛狐本蝙蝠之類毛深褐色銳頭缺口似兔而長尾之  
長與身等肉翅如鱗裙四足生翅中前足四爪後足五  
爪能飛不踰尋丈上於必忒舍勒圍中親射得之

塞山積雨草中產蜥蜴長四寸許頭以下色如翡翠有  
紋勻細如魚鱗尾作泥金色吐氣如雲喀喇火屯一帶  
有之土人呼為雲虎

千年老松屢剖之作瓢可貯水一二升許又落葉松根

如雲虎一為雲



出菌芝莖赤紫色皆可充丸案問物避暑時上嘗須  
賜扈從文臣余所得二芝一瓢他日可為初白菴中清  
供也

順風耳西洋巧工所製以銅為管節相續約長丈餘  
如千里鏡之式虛其中口大而末小向空中傳語自上  
而下或自下而上相去五六里聲息相聞此器亦從古  
所未有殺虎時往用之

一日土上在行宮出示石子二枚其一黃白色形圓中  
空貯水映日則見其一紫色中有水如一滴如唾珠隨  
手轉換石向上向則珠反下走石下向則珠却上升循

環無端疑即空青之類本產蒙古山中而彼不知貴也  
塞外有山果名烏沙兒契深紅色味似烏喇奈而微苦  
核扁如瓜子其枝大者可為弓幹細者可為箭筈亦材  
木也本草不載

戶部西庫中有書五十樹康熙癸未九月抄奉旨著養  
心殿供事向庫中檢查僅得三吳水利考及蔡忠惠文  
湖州集共三種據回奏云此外率殘闕不全吾不敢信  
也

癸未十月初五日殿試武舉黎明傳旨南書房先後隨  
駕翰林少詹陳元龍諭德查昇陳壯履編修汪士鋐錢



名世庶吉士汪灝查慎行蔣廷錫八人俱着隨往紫光閣看武舉校射余輩隨赴西苑候駕已刻上乘舟至先率東宮諸王各射步箭一回然後陞寶座讀卷官自大學士至少詹共十四員於握殿東南西向坐余輩八人以次班坐於後申刻武舉一百人馬射既畢諸臣移坐東向復觀武舉步射每十人為一朋每人射畢又各試技勇甫三朋日已下晡上率東宮以下又射箭一回乃回宮明日午後校射始畢選十三人充御前侍衛吾宗三百年來未有登武榜者是科族叔靜安始冒朱姓成進士余與聲山名不在讀卷之列蒙恩得坐班與

觀亦一門盛事也

每年十一月初一日宮中始燒煖炕設圍爐舊謂之開爐節十二月二十四日乾請宮廷前設萬壽燈八仙望子四架二十六日各宮殿俱掛門神對聯二十八日宮中及角道東西兩廊設五色羊角燈此歲例也

壬午十二月二十三日各衙門已封印兩日矣忽有旨召各省新授督學臣入南書房候考御試題夫子循然節制藝一篇奉和聖製為考試嘆五律一首午後呈卷明早復集內廷俱依擬用人賜御書一幅而出所用十一人翰詹衙門計十人部曹止一人翁嵩年康貽



也自是翰林院官頗為諸曹所忌蓋舊例除北直江南  
浙江三省學院而外其餘各省學道多以部郎及外府  
俸滿進士出身者充之今一變其局疑有他故其實出  
自宸斷與在廷無與也

元旦宮廷內外朝儀五鼓駕親祭堂子各官俱朝服於  
午門外送黎明駕回宮先至奉先殿繼至寧壽宮行禮  
畢然後來輩出御太和殿受外廷朝賀辰刻復回乾清

宮庭前樂作一止陞寶座垂簾樂再奏宮嬪于上前  
行禮畢樂三奏簾捲東宮諸王以次在殿建行三跪九  
叩頭禮樂四奏公主郡主於宮中行禮樂五奏上御

西暖閣內外諸臣俱集午門內望毓慶宮行西跪六叩  
頭禮畢始散班

暢春苑向未有直廬事供奉之負皆就近躡居以候不時  
宣喚康熙癸未正月余與汪紫滄家聲山三人隨駕赴  
苑上親指小東門沿牆向西厓屋五間為祗侯之地  
其秋改作三層南向而以直南三間為翰林直房後二  
層為画院自是入直有定所與南書房同

西苑張燈自正月十四夜起至十六夜止癸未上元前  
二日有旨查昇查慎行汪灝自明日始為連夕俱至西  
廠看放烟火至十四夜酉刻內侍一人導余輩三人自



小南門入沿河北行里許經勤政樓下穿網城西渡板橋寬數百畝壤平如削當樓之正面設燈棚一架高起六丈餘稍南為不夜城中列黃河九曲燈縛秣稽作坊巷衒衒徑術環迴復住々入而易迷燈之數不知其幾每一燈高旁植一旗五采間錯月初落數千百燈一時先燃其北列柵方廣約五六里散植烟火數百架黃昏上御樓西向坐先放高架烟火謂之合子最奇者為千葉蓮花合子既畢人氣尤靜須臾橋東爆竹發藥綫從隔河起飛星一道倒曳有聲倏上倏下列入柵中縱橫馳突食頃火光遠近齊著如蟄雷奮地飛電掣空此時

月色天光俱為烟氣所蔽觀者神移目眩震撼動搖不能自主移時烟焰盡消而九曲黃河燈猶熒々如繁星也內官舞龍燈者至樓前伺候余輩乃出宮漏下二鼓矣十五十六兩夜皆然其後歲以為常但取道苑北門不復從南門入矣

進士釋褐例在國子監柏樹下康熙癸未因脩葺太學工未竣先師先賢牌位俱移度順天府學新進士即於府學行釋褐禮一甲三人入大成殿分獻余與紫滄分獻兩廡再三跪九叩頭禮然後赴彙倫堂謁大司成行四拜禮畢登堂就席一甲三人在中間授席常者在東



間餘進士在西間各飲三杯揖司成而退

上留心醫理熟諳藥性常諭臣等云聖賢道理俱有一

定之論至于醫卜星相言人、殊世間庸醫於寒熱虛

實率未能辨南人喜用補北人好用瀉皆非適中之道

大抵溫補之藥其效甚微酷烈之藥其效立見方書所

載湯頭甚多若一方可療一病何用屢易西洋有一種

樹名金雞勒以治瘧疾一服即愈可見用藥只在對症證

也

養心殿送到萬首唐人絕句一部 真南宋本前有洪

容齋序紹熙元年刻於越州蓬萊閣初止四十卷既而

容齋歸鄱陽續刻成書遂滿萬首之數每一卷計詩百

首共一百零一卷紹熙三年奏請進重華宮壽皇稱其

精博賜茶一百斡清馥香十貼董香二十貼金器一百

兩萬復上表謝恩前後劄子奏狀俱載卷首至嘉定癸

未新安汪綱守越遂榻鄱本并刻之今此本即嘉定中

合刻者但檢對目錄現存僅七十五卷缺二十六卷為

可惜耳

經筵舊例先五日掌院學士擬進四書二條書經易經

各二條候御筆點定講官始撰講章再經繙清進呈臨

時備用甲申春將舉經筵掌院所擬題際置不用經書

症字書無



二條皆出 上裁四書子貢問一節尚書汝二千有二  
人欽哉惟時亮天工二句二月二十九日午後方發下  
是月漢講官為華亭王大司空吾邑陳正唐倉卒撰擬  
為期甚迫三月初二日黎明 上御文殿進講畢賜茶  
而退經筵例有筵宴停止自茲始

御前發下白玉引首圖章一枚篆文廣仁殿三字奉旨  
考究出處記得金史章宗泰和七年召對群臣於廣仁  
殿又查禁扁目錄金初都燕後移汴宮殿扁額亦有廣  
仁殿之名但初造年月則無可考

唐伯虎相城水村圖函卷宣紙小幅濶綫半尺長六尺

餘水墨淡濃點綴生動楊柳共三十四株江橋村市出  
沒水氣中後有王文恪公五言五古詩一首伯虎次和  
最後又有靈巖次韻一首相城沈石田所居時石田下  
世文恪與伯虎往吊舟中作此一時興會所到筆墨之  
痕俱化平生所見伯虎函此為第一甲申五月十五日  
御前發下裝潢裱房在西苑真廬之後與王麓臺前輩  
同觀

皇上精于算學常著三角形論以示內廷諸臣茫然無  
以解者一日面示臣等算法先聚米一堆於案上用軟  
尺量之圍五尺三寸五分徑一尺七寸高五寸三分得



積數得四千〇〇九寸復以堆塚法一百二十五寸除之得三二〇七之數隨用一百二十五寸之銅斗量之不差累黍又頒示一寸斗一八寸斗一十八寸斗一斛水於中大小隨其所受寸寸而積盈縮不乘御筆推筭法一紙今存家少詹姪處

嘉量筭經三卷律呂正論六卷明鄭世子載堉著其書推原造歷之本大約謂古人以度定量以量定權必參相得而後黃鐘之律可求律與度量衡相須為用非度量衡生於律也因將累黍推定三器並歷代沿革損益著之於篇此書不多有於御府曾見之按鄭世子之父

恭王被誣禁高墻世子不敢居內寢築一室王門外席藁以居與王居高墻之年等後恭王薨世子遁之山中讓爵於盟津王之子見遯有子臧季札之風

御苑蒲桃凡十種甲申十一月十三日頒賜南書房諸臣御製詩云休誇大宛貢莫笑漢宮傳十種標名異千條帶葉鮮隨班命內侍分賜到諸賢飽食和心胃歸鞍賦木天此詩原藁存家聲山學士處十種者一伏地公領孫二伏地黑蒲桃三伏地馬瑙四哈密公領孫五哈密瓊六蒲桃六哈密綠蒲桃七哈密紅蒲桃八哈密白蒲桃九哈密黑蒲桃十馬乳



除夕前三日內廷日直諸臣人賜金鹿一隻風羊二隻  
兔八隻野鷄八隻鹿尾四枚關東大魚八尾黃封酒二  
壘此年例也甲申十二月加賜御書徑尺大福字一幅  
對聯一副綠石硯一方歲不為例

內府收藏書画余在內廷曾經眼見者不計其數今錄  
其尤妙者共三十五種以脩遺忘絹本小楷曹娥碑後

昌黎懷素二跋又宋高宗跋書澄心紙上又謝端宋本  
喬簣成三跋又虞集前後共十跋今上御題跋一

趙子昂鵲華秋色圖卷子宋箋高六寸長六尺指書九

跋楮河南西昇經樂毅論楷書墨蹟不書後有童文敏

明上河圖卷子絹本長丈餘燕文貴做王摩詰關山霜霽圖

卷 郭熙蜀山積雪圖卷 趙子昂百駿圖卷 右軍

黃庭經小楷卷唐人未芾山水圖卷 陳所翁九龍圖

趙千里後赤壁圖卷 黃荃設色花卉 吳彩鸞細楷

唐韻 顧野王草虫卷 關立本步輦圖 關立本洛

神賦 燕文貴長江萬里圖卷 劉松年江上雪霽圖

東坡墨竹 虞世南廟堂碑真蹟 黃公望江山勝

覽圖卷 宋僧牧溪果蔬鳥雀圖卷 錢舜舉白雲紅

樹圖 趙千里大禹治水圖卷首有王禕登八分後有

徐熙鈎染花卉翎毛長卷 唐六如水村圖 管夫人

白描大士像 唐陸東之書文賦真蹟 劉松年五百

一作本



阿羅漢卷 趙雍函馬有董其李龍眠白描五百羅漢

卷 李北海大照寺真蹟碑昌跋 周昉美人浣月圖 黃子

久秋山雨意圖後有元人李忠倪瓚二跋

龍蝦產閩廣海中長丈餘通身十七節頭似龍有角脚

長數寸須上有毛甲如玳瑁尾五株皆倒捲韓昌黎詩

云又嘗疑龍蝦果誰雄牙鬚乙酉正月初四日在南書房

上遣內官傳示始見之

乙酉八月杪園場既撤駕自興安嶺一帶巡邊入張家

口廿八日駐上都必拉廿九日早沿路閱視羣牧先諸

王子馬群次正藍旗次鑲白旗次正白旗其餘各旗牧

地稍遠不及趕赴自上都必拉至諾海和碩五十里間

駝馬牛羊彌望不絕皆數年中賜種孳息者每位諸王

下馬駒二千餘匹八旗每一牛永有馬一千二三百匹

餘畜產稱是三十日早發諾海和碩先閱鑲黃旗畜牧

次閱太僕寺官馬：駒一萬三千餘匹上沿途緩轡選

其駿異者歸上駟院計程女七十餘里抵搭班托羅海

駐蹕九月初二日自為蘭腦兒至查木哈免腦兒閱視

慶豐司羊群計二十六萬頭又東宮監牧四萬頭共羊

三十萬初三日閱視牛群約十萬餘是夕駐託里渾腦

兒初四日閱視上駟院馬駒每群以毛色為別白者青



者黑者紅者黃色者紫者雜色者散布山岡望同雲錦  
為數約二十萬四十里抵烏力海巴拉漢典牧官員屯  
聚于此過此六里駐驛初五日上御幔城南門觀調生  
馬先賜南書房翰林官馬八匹賜隨駕總兵副將各官  
人各馬一匹初七日至西巴里臺上諭云此間尚有  
上馳院馬二十一群向經調習者每年春夏放青九月  
歸廠今歲因朕巡邊恐馬力疲乏留備更替故不令趕  
來上又諭云明朝養馬大累民間我太宗時以獨  
石口至張家口山北一帶水艸肥饒指為故牧之地今  
歷數十餘年孳息既不累民亦不費官自古馬政之善

無如本朝者

自興安打巴漢三十里至渾泰布拉噶五十里都倫那  
拉又名上都海拉思台四十里庫勒班庫持勒四十里  
額勒屯色欽六十里博羅活屯上都必拉五十里諾海  
和碩七十二里搭班托羅海五十里烏蘭腦兒五十里  
查木哈兔腦兒四十五里托里渾腦兒四十五里昂烏  
力海巴拉漢五十五里哈木虎布兒喀四十里西巴里  
台十五里察罕托羅海二十里陀羅寺三十里張家口  
五里下堡城六十里宣化府十八里泥河十里鷓兒梁  
響水舖二十里上花園十里下花園鷄鳴山十里雞鳴



驛十五里新保安二十五里沙城二十里木土驛三十里懷來縣有廣慈寺二十五里榆林堡二十五里空道五里八達嶺三里青龍橋三里石佛寺二里彈琴峽五里居庸北關十五里南關二十五里犬頭六十里暢春苑共十二站計程一千零八十三里  
張家口內保安沙城一帶地產沙蓬實如蒺藜中有米如稗子食之益人本草所不載

畫草一名萊亦名玉芻本草云此色<sup>草</sup>綠色可染黃古者貢草八種人故謂之王芻詩經畫臣取畫忠之義當本此

乙酉十月六科員缺奉旨將翰林院編檢改補初四日掌院學士啓奏考選日期南書房翰林及日講官俱着一體開例余與張衡臣錢亮功蔣揚孫四人時在直廬奏乞免開職名不願改授言路奉旨俯允初六日召見翰林官廿九員用王懿史申義鄭際泰管灝陳允恭周道新楊顥張大有李紹周九人蓋向來科道員缺例以庶吉士出館而未授職者挨補今已授職復行改用以臺垣為編檢升缺惜此語不敢上奏也此例開自庚辰本在衙門為疏通之路而編檢品稍降矣  
會試總裁歷科以來二正二副例用四員丙戌會試止



期當作洪

用李少宰錄彭少司空會二人先奉嚴綸戒飭放榜後  
為浮言所中會元尚居易以文體不正黜草殿試榜發  
黜落者四人罰科者十一人奉旨將會試總裁及房考  
三人交都都察院議處俱落職南宮變局也  
丙戌四月朔庶吉士常當散館 上在西苑考試滿漢  
庶吉士三十八人御試題存心養性為匪懈論一首賦  
得人盡農桑力五言排律十二韻余與錢亮功汪紫滄  
蔣揚孫四人先經授職不復與考初六日命下留館授  
職者止十五人其餘再行教習者二十人革職者三人  
西掌院俱降三級留任視癸未又如嚴從來殿試進士

以館選為榮極盛必衰固其理也

每科選館

皇上御保和殿滿漢大學士於煖閣內站

班掌院學士立煖閣西向一甲三人排立掌院後諸進

士以次分班唱名每十人為一班由殿東入跪奏姓名

籍貫及鄉會試名次選館者留殿中與萬甲挨次立唱

名畢諸大臣各賜茶 上升輦回宮此定例也丙戌四

月二十六日 上不入朝即於西苑澹寧居舉行此典

新進士二百九十餘名俱從東南奏事門入欽點庶吉

士四十八人浙江九人吾季弟潤木與焉先是癸未科

余授庶常時仲弟德尹以編修在殿門坐班今日余在



苑門復見季弟館選兄弟三人八年之中俱備員詞苑  
不可謂非一門幸事也

口外草木可當茗飲者有三種一種紅蓼花根蒙古呼  
為色都滿洲呼為色爾布一種即落葉松皮一種名奢  
本子亦名瓜子兒茶其色紅

口外有一種草長尺餘六月開花似虞美人而重臺淺  
紫色每本三樞結子如桑椹因名地椹壓其漿熬成膏  
點湯飲之味極芳甘盛以玻璃杯色尤可愛

山莊九處黃甲營地稍窄餘八處多有直廬在行宮二  
門內東朵殿之後平臺三間西向庭前設松棚以德暑

臺一作屋

扈從詞臣每黎明入直一如在西苑也其榭榆溝喀喇  
上營子三處隨駕大臣皆賜官房為止宿之地大抵

皇上清暑六七月之交於三處駐蹕為多故詞臣亦得  
受廬兩人共住三間紗櫺木榻用庇風日過此以往率  
就草地支帳房與羽林列幕者無別矣

從烏喇哈帶東行四十五里地名阿赤你巴蒙古謂西  
山交會處也又自北而東渡一溪行五十里許有紫柵  
茅屋又東二十里渡西兒哈溝為岳七利台吉營盤所  
居新葺瓦屋四層環以土牆旁有喇麻寺亦用瓦蓋上  
初幸其居後移住幔城岳七利者翁牛特部落貴人也



又東北行二十里為坤維火羅又東為巴顏打巴漢上  
下約三十餘里嶺下即翁牛特部落之駐牧之地其地  
舊名嬰阿今改名巴顏爾贅平壤一區清流貫其中四  
面山勢環拱如城郭時八公主下嫁於都倫郡王瓦殿  
六重工部官為營建者丙戌八月初八日 上送公主  
親至其地向來圍場所不到也從此望西北行五十餘  
里為溪百冲昂阿又西四十餘里為木克帶道旁有湯  
泉折而南行十餘里乃折而西又十餘里至汗必力阿  
打巴漢昂阿去白岔不過三十里矣  
丙戌九月十四日自獵場回鑾駐波羅火屯內侍李玉

一本無及字  
每一作各

傳旨問及每科舉人進士所給水程牌坊銀兩數目余  
輩回奏云所給銀兩每省數目多寡不一祇就浙江言  
之新科舉人例給銀四十五兩進士于布政司庫領銀  
一百兩士子均沾膏惠蓋謂 上意恐被有司侵蝕故  
有此問也覆奏後復傳旨云旌表節孝止給牌坊銀三  
十兩此項似覺太多遂下部議自後新科進士着於戶  
部領銀三十兩永以為例裁減牌坊銀自本科始時會  
場已過俱照舊例給發一百兩仍行文本省如數扣追  
韻府群玉一書元延祐間新吳二陰所集一名時夫字  
勁絃一名中夫字復春博學而多聞因宋王百錄所增



四株二參錢韻曰  
是四銖二紫之誤

書林事類韻會錢韻回溪史韻等書會粹而附益之洪武正韻初成定為七十六韻洪武八年重刻是書一依新定次序而字下所繫諸字並從陰氏之舊宋景濂有序今世之所傳者又與明初刻本不同  
明月錢見洪遵泉志作重四銖絳品中徐氏曰此錢又曰明月按此錢徑九分重四銖二參製作鏤薄形質簡古外無輪郭背文明徹舊譜所圖與此小異又不載輕重大小計得其名而未見之也云；壬辰正月余偶從慈仁廟中購得十枚與泉志所載形模適合明月二字俱篆文但不知鑄自何代漢以後又無此年號不可考耳

內西華門外西南一里許明朝御用監在焉又南數十步為真武殿庭前有老檜一株下有元時玉酒海承以石牀玉色青碧間以黑章旁刻魚龍海馬出沒波濤狀口面約廣三尺餘隨其質為凹凸若荷葉然形製古朴膚理溫潤中容四五石許壬辰正月十九日借雲間高不騫槎客往觀摩挲久之按元史世祖紀至元二年十月二月瀆山大玉海成勅置廣寒殿輟耕錄云廣寒殿在萬歲山頂中有小玉殿內設御榻左右列侍臣坐牀前架黑玉酒甕一車駕歲巡上都先宴於此燕都游覽志云今御用監中有小亭；內有一玉缸體質頗潤中積



查本無此條

水外以朱攔護之即廣寒殿中物也  
南海旋今為御苑設甲兵守之間遇上元於此放烟火  
則縱都人往觀餘不得入

梅餘先生敬業堂詩集風行海內久矣周易玩辭集辭亦間有刊  
本流傳惟人海記未登梨棗祇日下舊聞中散見數則而已甲寅  
秋畫日吳文槎客舉家藏寫本見眎因倩友人錄副乙卯寒食覆  
校畢并記松陵楊復吉





書名	人海集		
版別	冊數	紙	年
議價	30元	議價率	月 日
編號	字第 51		号

北京市圖書業同業公會印制

海